


地 340.153

134

21~2

3

象州志



柳州府象州志序



事莫易于因而創最難以因為
創則易而仍難一志乘也有規
模已具不煩繩削者因之易
耳若前志體段未成必待後人
之大加增輯者雖曰猶弗因也

象州志

序

其難直與創等余觀蔣牧所纂
象志良有足多者焉按前明呂
侍御曾草志稿一冊雖經李祖
兩公相繼重脩無如代遠編殘
所存亦僅蔣牧乃從百年後文
獻凋謝之餘網羅補綴釐為四

卷各以類附始丁丑而迄庚辰
獨擔其任可不謂以目兼創者
哉惜遽調左州未暇商梓耳厥
後牧茲土者李謀始蘇圖終均
有勞焉卒以遷去不果既而陸
牧來謁告之故遂請稍加潤色

壽諸梨棗以成其美鑄既竣復
丐余為序余應之曰天下事可
與樂成難與慮始者凡民也古
君子持官持身內外斬、無往
非振作有為之氣故社稷之役
敝則掃而更之怠則張而相之

每思艱以圖易毋畏難而苟安
用能力創非常黎民不懼豈獨
脩志一事為然哉夫修志其小
者也

乾隆二十九年甲申春仲既望
賜進士出身翰林院編脩

誥封中憲大夫分巡右江觀察使者
析津王錦撰并書



象州志序

憶余昔在都門與沈歸愚宗伯
王湧輪學士宋蒙泉太史論天
下郡縣志大抵因陋守殘鮮可
觀者此何以故咸曰作志之難
與作史等而志尤難於史史經
諸人之纂修志出一人之記述

非其人才品兼擅而又以於其
地未易勝任愉快以信今而傳
後其或才不足則文章不足以
潤色品不卓則請託奔競者至
矣於是記載無寒門遺漏無顯
族非以於其地則無以知此邦
之山川風土人物此天下郡縣


志所以鮮可觀也洎余出守鳳
翔問郡志缺而不修者已數十
年余以為鳳翔古扶風大郡漢
三輔之一不可無志又臣思宗
伯諸君子之言愧余才不足而
視事之未久也爰輯舊聞僅為
鳳翔志略三卷至若官師人物

政治行誼懼其涉於請託非濫
則遺寧缺之以俟後之君子繼
而補柳州適逢
觀察使王公修郡志屬余為序
未幾馬平宰舒君亦以縣志問
序余一再應之自顧不文甚矣
何象州刺史陸君又欲余操觚

之不已乎雖然余竊意象志必有可觀焉陸君牧象雖未久而乃兄與姪嘗作牧此邦後先濟美數十年其於山川風土人物知之稔矣陸君為人謹厚自守不踰尺寸今加意象志吾知必矢公矢慎斷不至記載失實也

宗伯諸君子之所譏者余自維菲材夙昔久親風雅一入仕版風塵鞅掌筆硯久疎重君之請既不獲以不文辭爰述舊所聞當代名公之言以復君即謂序象志可也不僅於序象志亦可也至於山川之靈秀風土之淳

義人物之瑰奇義哉象志備矣
 故不具論時乾隆甲申季春月
 誥授中憲大夫知柳州府事加三級
 紀錄二次平水劉組曾承菴氏
 序



象州志後敘

自秦遣史籀鑿靈渠通運道兼
併百越置桂林象郡象之名遂
與桂林雄峙東南半壁之天千
百年来我不敢知曰今日百里
之象即昔年洋洋大風之象然

而秦漢之間寂無傳人至唐柳
子厚遷柳州象隸屬邑得同被
禮樂詩書之化即風物亦駸々
可觀其詩云山腹雨晴添象跡
蓋指此也中州士大夫知有象
州者以柳公故信乎地以人傳

非地能傳人也初余謁選得是
州私心竊喜：其地雖褊小欣
逢太平化洽人材輩出豈無一
二志士接踵柳公不鄙夷其民
而治者乎况余兄諱廷光暨余
姪名琛者曾先後刺是州流風

象州志序

餘韻必有所存余雖不材取前
人軼事斟酌時宜而興革之則
亦可以隨分盡職乃翻閱舊志
殊多缺略且抄寫潦草未經刊
刻喟然曰國有史郡邑有志所
以紀事實垂法戒也郡邑之志

不修則國史無徵何以信今而
傳後謹將前牧蔣李蘇諸君所
輯草本請刪訂於

觀察王公 公以著作鴻材筆
則筆削則削他人不能贊一辭
自癸未冬歷甲申春而其書已

備余受讀之簡而文曲而有直
體一切山川風土人物政蹟不
啻親歷其地而搜羅無遺者事
寔鑿然法戒炯然堂哉皇哉誠
此邦千載一時之盛事矣後之
刺是州者奉是志以為龜鑑而

各善其職守行見山河吐氣城
郭增輝安在不與柳、州古今
媲美且令人之稱桂林者不略
吾象郡也豈不地以人傳也哉
敬求

太守劉公弁敘簡端余復不揣

象州志

序


四

荒陋贅言簡末語曰附驥尾者
其名益彰自愧無善可錄猶得
附名

當代大賢之後不無厚幸云
乾隆二十九年仲春月

特授奉直大夫知廣西柳州府象州

事加二級紀錄三次三吳陸藹
吉謨并書



象州志凡例

一志之與史有同有異傳志紀述與史同也錄瑜舍
瑕與史異也然分別去取褒貶於是乎寓象故無
志自明州御史呂公草創一卷知州李君修為四
卷分類三十有八奉天祖君又踵修之百餘年來
簡編殘缺遺失過半官斯土者欲考鏡得失末由
也今廣為採輯細加搜羅仍分卷為四纂類二十
期以示信不敢傳疑俾採風者得覽其全焉
一分野所躋度次悉遵通志考証至占候機祥因乎

象州志 凡例

天時書雲物望氛祲亦職守所有事也故並圖繪
之

一象地雖小而山川城池宮室備焉今於地輿圖後
分列山川學宮廨署各圖以備詳考

一天文地輿高卑不易今隨條列圖於古人先圖後
經之義既不相悖而閱者亦可一目了然

一沿革悉據各古史與通志務求不冗不漏

一象地諸山除通志所錄外畧增一二用志形勝至
關梁驛站以通商賈渠塘溝洫以利民田皆於山

川相屬故類及之

一 戶口田賦鹽法積貯俱關政要故編墾陞科清引各項悉照現在報解改定至前明欸額亦存附考

一 學校乃教育人材之地舊於州學外設立義學今節俸延師廣訓生徒易其額曰象江書院非好為更張也將以鼓勵士氣樹之風聲云爾

一 壇廟以重明裡其已列祀典有功德于民生者俱載入

一 名宦鄉賢遺愛在人已照郡志核實立傳風勵將

象州志 凡例

二

來而選舉節孝之志猶此意也他如遷謫流寓有堪稱述者亦並存之

一 藝文首記序次詩歌惟取其紀述山川風土有關政治者非此雖佳弗錄是以所存無幾至史闕碑殘與見聞未及則猶有望於後之博古者

一 諸蠻悉本通志纂入若事屬瑣瑣難以類別者雜錄之以殿全志

修志姓名

監修

象州知州今調全州知州李宏濟

署象州知州柳州府通判蘇洪

象州知州陸藹吉

編纂

原任象州知州蔣曰萊

續修

浙江仁和縣舉人侯選知縣吳光昇

象州志 姓名

一

校錄

江蘇長洲縣職監朱寶華

浙江錢塘縣監生徐溥

監局

象州儒學學正蔣涵秀

繪圖

柳城縣古砦司巡檢金邦獻

象州志目錄

卷一

天文 附星野 氣候 機祥

輿圖

沿革 附表

疆域 附形勝 風俗 都里 墟埠 物產

山川 附古蹟 關梁 驛站 道路 溝洫 獠崗

卷二

民賦 附戶口 人丁 地畝 積貯 額辦

象州志

目錄

鹽法

學校 附書院

建置 附城池 廨署 倉庫

壇祠 附寺觀 樓閣

卷三

秩官

選舉

軍政

名宦

卷四

遷謫

附流寓

仙釋

人物

附孝行

儒林


貞節

諸蠻

記序附說

詩鈔

雜錄



目錄

卷四

目錄

二

象臺書院序

象桂州縣皆沿先秦郡名而權設於此臨桂縣並無桂蠹之生而象州亦乏象輿之出秦象郡即漢日南郡之象林縣永元間詔賜穀食復其民者非今象州今象州乃漢鬱林郡之桂林縣也後人泥柳州詩山腹雨晴添象跡之句以為象州左証誣矣嘗觀舊州治所有象臺一方高出地表後人疑為馴象之地豈知四望平遠古者望雲氣以察災祥必有觀象靈臺竊意吳太守陸績注元象圖於鬱林

猶陳顧野王著輿地記於吳郡著輿地記者名書墩注元象圖者名象臺流傳芳躅彼此一也今州東香草江猶生鬱金香草郡名因之公紀於是乎觀象而謂此隆隆之臺僅以教兒調小象者耶甘泉豫夫李刺史來牧是邦承其先才叔遺治猶多闢訟喜嬉樂乃威愛兼施良懷姦畏加意振興斯文薰以禮教州故有義學在城之北榛塞湫隘豫夫見而蹙然謀遷夾嶮僉曰城西舊州治宜且面猫虎而回頭負蛟龍而峙角占潭江勝勢下寫為

得卜地無過此者豫夫欣然遂從輿論移建象臺
鳩工充材為之敞講堂增學舍美哉輪焉美哉奐
焉並倡捐貲置產為師生束脩膏火資罔不充裕
此余視學於此所日想望於賢牧守而不可多觀
者也工既竣來乞余名余曰此雖義學而初有四
大書院規模其即以象臺書院名之可乎夫象臺
之設觀乎天文以察時變也書院之設觀乎人文
以化成天下也移書院於象臺天人之文胥於是
乎觀矣馬融謂通天地人者謂之儒可徒事佔畢

之功而不務乎貫三才周萬物耶州之知學自公
紀始柳子厚繼之公紀以詩書造十從者雲集江
嶺間成進士者得子厚指授為文章皆有法度其
習詩書能文章亦舊矣兩宋間科名鼎盛有謝洪
謝澤兄弟同成進士先進清芬濡染梓里二謝之
風扇焉迄今人才蔚起文運重開且有文史足用
和其聲以鳴

國家之盛者矣諸生可不爭自濯磨况今日之遭逢
更有易於昔日者我聞二謝讀書無地深入雙髻

山岩手憑石案其苦辛如此今以賢刺史廣勵學
宮高閉閤厚墻垣給餼廩賚楮墨培養如此優厚
所望諸生以遠大自期茹古涵今研經博物庶幾
作為文章胸羅星斗手抉雲漢天人之文彙而為
一俾寰海以內則而象之則此書院也可方唐李
渤白鹿洞而教條自我文公設之者豈徒視謝園
扶疎堂寒先亭僅以供名流吟賞也哉

乾隆二十有七年歲次壬午冬十一月長至日督
學使者吳東朱佩蓮撰

象州志卷之一


天文 附星野 氣候 機祥

周禮保章氏以星土辨九州所封之域鄭康成取以配十二次而分野之說自此起夫分野原通郡國今以一州測之何殊坐井而觀然覆冒無外即躔度可推爰據通志細分度次以占氣候以驗機祥則人事之徵天道之應官斯土者愈知仰體聖天子敬天勤民之至意也志天文

象州志 卷之一 天文

軫宿圖

象州屬柳
州府軫之
三度



星野

軫宿四星名天車距右內星去極百三度半入軫
初度凡十七度赤道十九度三分黃道十九度五
分起張中翼終軫十一度為鶉尾於辰在巳分野
屬荊州

柳州府軫宿三度

天以九野分地以九州畫粵西或以為荆或以為
揚考禹貢其志揚之境曰淮海惟揚州西北接徐
豫之境東南則循海而南抵梧藤而止耳其志荆

州則曰荆及衡陽惟荊州粵西之去衡不過千里
而湘江與灕江同源異流則其屬荊州也明甚
明一統志云其域荆其星翼軫其地百粵

國朝周天易覽以順治乙未十一月冬至為歷元而
軫三度至十七度為廣西分野

元象易覽以軫三度至十三度二分為廣西布政
司所轄分野

時憲書經緯度云考廣西經度距春分一百零六
度五十分汰廣西緯度二十五度緯度即元郭守
敬測北極出地

也度

按象州古百粵地禹貢粵西屬荊州之域通志
載柳州府為軫宿三度禮記正義所引緯書考
靈耀云一度二千九百三十二里有奇軫星共
十七度今象州在柳東南二百里內則其均為
軫之三度也明矣

氣候

南方地卑而土薄土薄故陽氣常泄地卑故陰氣
常盛陽氣泄故四時常花三冬鮮雪一歲之中暑

象州志

卷之一

氣候

三

熱過半人居其間氣多上壅膚多汗出腠理不密
益陽不反本而然陰氣盛故晨昏多霧春夏雨霪
一歲之間蒸濕恒多衣服皆生白醭人多中濕肢
體重倦成脚氣等疾益陰常盛而然陰陽之氣既
偏而駁故一日之內氣候屢變諺曰四時皆似夏
一雨便成冬歲使然也

粵中五穀無味百花不香以其氣泄而鮮專凝也
大載禮陰陽之氣亂則為霧嶺南多霧益由陰陽
不和蒸於莽菁之區雜以蟲蛇之氣是生瘴癘生

長北方者猶可相習而仕宦羈遊凡於暄涼晴雨
之交飯食起居之際調攝倍宜周矣
二廣惟桂林無瘴自是而南皆瘴鄉
柳州地近桂林號無瘴且山水清曠風氣與中州
不甚異

象州山水清曠似柳又北近桂林故無瘴土燥陽
泄氣候易暖多陰夏無酷暑冬亦無沍寒春秋則
涼暖不時大約陰雨蠻風則清冷如深秋赤馭當
空則令人多煩燥自朝至暮寒燠數更然宜汗不

象州志

卷之一

氣候

四

宜趨爽且晝可裸赤夜可挾纊惟每晨黑霧蔽日
清涼逼人急宜避忌

機祥

宋

太平興國中象州文廟產芝二莖五色俱備

淳熙元年旱饑

元

大德九年旱

秦定帝三年饑

至正十九年大旱

明

天順七年秋七月地震

天順八年大饑

嘉靖四年己酉秋大風雨官署城樓民舍多傾壞
漂沒行舟

國朝

雍正八年產嘉禾一莖五穗

乾隆五年春正月雨雪封條

象州志

卷之一

機祥

五

乾隆五年夏六月象臺山象雲現

乾隆十三年三月朔雨雹是年豐

乾隆二十四年九月初五日地震是年大豐

乾隆二十八年七月大樟村嶺山起蛟發水知州

陸藹吉詳報巡撫馮鈞親勘發帑賑恤

象州志

輿圖


體國經野先辨地輿地輿不辨則山川都里畛域
 易清城池宮室蕃衛無據此輿圖所當詳列也我
 皇上撫臨中夏窮荒絕徼悉隸版圖况象居粵之中土
 久被王化踐土食毛之象敦詩說禮之英咸仰光
 華而樂熙皞可不畫明土宇以昭車書一統之盛
 歟志輿圖

象州志

卷之一

輿圖






學宮圖

象州志

卷之一



圖

七



西至回龍村馬平縣界五十里


里十五界縣賓來村南三至南西



象州志


卷之一

圖



八

象州志
州署圖





象州志

卷之一

圖

九





象州志

沿革

自秦開五嶺置桂林象郡而象已得名由漢歷明
或新其名而地仍舊或改其屬而名不更因革靡
常數難更僕我

朝統一區宇式廓宏規象在嶺南因明舊制正無待
更張而與通都大邑共安平成之治矣志沿革
秦兼百粵置象郡隋改陽壽縣煬帝時以陽壽縣
省入屬始安郡接隋志陽壽縣注有馬平桂林象

象州志

卷之一

沿革

十一

昭陽四郡平陳並廢舊唐志云陽壽隋縣詳隋志
知象州郡象不始於唐特復其故名耳而陽壽似
隋以前已置然考宋齊志無陽壽縣姑闕之又馬
平縣志開皇十二年置象州大業初州廢唐仍陽
壽縣高祖時於縣置象州太宗時以武德縣省入
尋移州治武化縣以陽壽縣為屬天寶初改象州
為象郡乾元初仍為州代宗時復移州治陽壽五
代陽壽縣楚南漢並為象州治宋陽壽縣為象州
治元陽壽縣為象州治明象州以陽壽縣省入屬

柳州府

國朝因之

沿革表

秦 兼百粵置象郡象之名自此始

隋 陽壽縣煬帝時以陽壽縣省入屬始安郡

唐 陽壽縣高祖時於縣置象州太宗以武德

縣省入尋移州治武化縣以陽壽縣為屬天

寶初改象州為象郡乾元初仍為州代宗時

後移州治陽壽

象州志

卷之一

沿革表

十二

五代 陽壽縣楚南漢並為象州治

宋 陽壽縣為象州治

元 陽壽縣為象州治

明 象州以陽壽縣省入屬柳州府

國朝 象州屬柳州府

象州志

疆域

附形勝

風俗

都里

墟埠

物產

州牧職司百里郊圻封守有撫馭之責焉象截柳江下游而馬平維容修仁武宣實當四境歷代以來畫疆互異

國朝幅幘日廣率土皆臣山陬海隅盡歌樂國為牧者固不容存分疆絕界之見然宣猷布化責有攸歸則地邑民居例在必晰詳載於篇以嚴職守志疆域

象州志

卷之一

疆域

十三

州在柳郡東南一百三十里轄里十東南相距一百八十五里南北相距一百里自州治東至纜村接平樂府修仁縣界一百三十五里南至牛欄塘接潯州府武宣縣界五十里西至回龍村接馬平縣界五十里北至波羅村接維容縣界五十里東南至大欖搖接潯州府平南縣界一百三十里東北至迷塘村接平樂府修仁縣界九十里西南至三角村接來賓縣界五十里西北至牙村接維容縣界五十里

形勝

象治當柳尋衝要扼滕峽上游左列東岡峯巒聳峙右臨象水波浪縈迴天蓋朝南鐘坤輿之秀玉屏枕北擅地利之奇牛潭之夜月常清象嶺之春雲善幻可謂勝概矣至如東北徭崗拔地倚天秀絕人區又不獨五馬三星拓人心目濮泉熱水點綴山川已也

風俗

省志載象民不事蠶桑以績麻織布為業然信巫

象州志

卷之一

形勝 風俗

十四

鬼重淫祀不信醫藥椎髻箕踞頑梗不馴貪利尋仇好殺輕生此皆徭獠積習與漢民異也近沐

聖化百餘年來已漸變更民俗淳樸尚不浮華詩書之家親兼耕種歲時伏臘惟酒食相勞至其婦女勤儉力供井自職饁餉不遑自逸者所在皆有若夫平疇綠野行坐成群男女之間不分疆域雖獠俗習慣使然而律以防徼杜漸之道其閑正不可鑰也

都里

廂一里附郭右共村六

木恩村 上屯村 沙關村 南沙村

灘頭村 金鼓村

廂二里附郭左共村六

六道村 沙岡村 雞沙村 三磊村

崩溝村 渡口村

東鄉里離城七十里共村三十五堡一

良村 石龍村 三坡村 易村

永寧村 素淨村 花容村 廷冷村

象州志

卷之一

都里

十五

馬進村 六外村 沐王村 周村

冲塘村 北海村 歐陽村 長烈村

那沙村 包村 敖村 貫村

那簡村 門都村 煉村 那井村

廷朶村 定朶村 蘭社村 長安村

長塘村 陳村 孟家村 石砌村

小冲塘村 陸村 查田村 東安堡

南鄉里離城四十五里共村七十二

力本村 廻龍村 黃莞村 那旦村

覃成村 花黎村 平貫村 芙蓉村

橋塘村 六道村 中團村 大唐村

野黎村 古悶村 礪寨村 勝思村

睦熟村 明月村 屯村 婁棍村

思簣村 古琶村 王院村 山吐村

錢財村 古龍村 石見村 屯勇村

古蘭村 古星村 上廖村 和堂村

蓮花村 易村 上巖村 龍頭村

四會村 吉村 白木村 屯盤村

花慈村 古樓村 中堂村 花逢村

麻他村 落蒙村 熱水村 寺村

大烏村 石磨村 古城村 塘頭村

嶺頭村 永生村 披頭村 花睦村

界首村 上新造村 下新造村 古度村

王奪舊村 王奪新村 唐稔村 山心村

大成村 金鷄村 下巖口村 上楊柳村

水綻村 中楊柳村 大井村 下楊柳村

西鄉里離城四十里共村八十七堡一

馬平村 洞村 龍頭村 興龍村

六谷村 六社村 巖村 木萬村

銅盤村 大中村 東岸村 柳中村

牡丹村 鮑村 古路村 愆靈村

太陽村 零漢村 屯倫村 竹官村

木悶村 木村 莫村 那思村

上太陽村 竹根村 才六村 長安村

思柳村 下能村 木唐村 章門村

上平村 下斷村 木鸞村 龍旦村

尖山村 龍慶村 龍保村 大曹村

都落村 龍屯村 龍門村 龍响村

六旺村 龍山村 大蕩村 上方村

上茂村 木貴村 回龍村 龍平村

古添村 貫村 其堂村 龍唐村

大甕村 和弄村 龍仲村 發水村

能雲村 屯田村 背嶺村 盤龍村

中團村 狼村 板江村 古德村

龍殿村 東陋村 新村 中堂村

北上里離城六十里共村六十三

| | | | |
|-----|-----|-----|-----|
| 大蒙村 | 大塘村 | 香爐村 | 大利村 |
| 三角村 | 左村 | 毛狼村 | 石堂村 |
| 石杜村 | 平陽村 | 花堂村 | 大殿村 |
| 大滿村 | 新慶村 | 龍坐村 | 大黃堡 |
| 中便村 | 三差村 | 潘村 | 香田村 |
| 木爐村 | 六娥村 | 古都村 | 苟懷村 |
| 古模村 | 架村 | 平田村 | 那羅村 |
| 古車村 | 廖村 | 馬旦村 | 龍慶村 |

象州志 卷之一 都里

| | | | |
|-----|-----|-----|-----|
| 葉巖村 | 歐陽村 | 葉村 | 新村 |
| 朝陽村 | 故村 | 香山村 | 龍團村 |
| 凌羅村 | 朋容村 | 蘓村 | 區村 |
| 王漢村 | 平石村 | 長歇村 | 木柳村 |
| 長村 | 牛路村 | 要村 | 佛寺村 |
| 大林村 | 白學村 | 三台村 | 那利村 |
| 平領村 | 下令村 | 巖被村 | 麥觀村 |
| 里村 | 麥豆村 | 烏來村 | 麥苟村 |
| 大夫村 | 麥綿村 | 那軍村 | 那六村 |

那夫村 皇村 雞德村 古月村
大周村 普化村 新造村 益排村
那曹村 都選村 都金村

北下里離城三十里共村八十七

盤龍村 大悲村 六村 梁村
廷竹村 臘村 思勞村 古樓村
旺村 龍塘村 古平村 麻子村
白沙村 大黎村 下落村 滿村
上山村 林村 千思村 甫農村

象州志 卷之一 都里 十九

屯包村 萬塘村 四百村 壇村
譚村 麻皮村 崇山村 麻胡村
弄慌村 大用村 平地村 橫橋村
青桐村 發洪村 吉次村 大橋村
慈悲村 揚梅村 古路村 洪坭村
麻哥村 馬黎村 落田村 白石村
波羅村 迓一村 鵝頸村 水寨村
古桶村 石古村 大漫村 大平村
那六村 里橋村 浪村 三門村

安上里離城六十里共村三十八堡一

| | | | |
|-----|-----|-----|-----|
| 龍頭村 | 發村 | 六牙村 | 古音村 |
| 廖田村 | 平慶村 | 古琶村 | 奉里村 |
| 羅平村 | 古才村 | 城隍村 | 豬頭村 |
| 北山村 | 吉村 | 龍慶村 | 十里村 |
| 湟涇村 | 六礮村 | 吶猛村 | 馬塘村 |
| 鷄冠村 | 土金村 | 石橋村 | 冷水村 |
| 下田村 | 木苗村 | 教村 | 羅秀村 |
| 那歪村 | 白崖村 | 馬村 | |

| | | | |
|-----|-----|-----|-----|
| 那婁村 | 保村 | 崩屯村 | 婁鰲村 |
| 高秀村 | 大樟村 | 六弄村 | 落田村 |
| 古逢村 | 厄村 | 長道村 | 花爐村 |
| 古福村 | 東温村 | 花覃村 | 甕祥村 |
| 東岸村 | 大黃村 | 哥山村 | 白丈村 |
| 落田村 | 王田村 | 古陳村 | 浪村 |
| 甕口村 | 花六村 | 中公村 | 蒙領村 |
| 彭家村 | 高懷村 | 屯鸞村 | 卷村 |
| 柳村 | 新寨村 | 那旦村 | 屯龍村 |

謝石村 大滿村 黃松堡

安中里離城七十里共村二十二

廷朱村 方村 西河村 落沙村

仁義村 邊山村 江西村 中華村

朗村 王代村 江頭村 東河村

中平村 鄧村 燈盞村 白衣村

梧桐村 三斗村 花王村 中王村

騰領村 謝官村

昌化里離城八十里共村八十九堡五

潘村 六村 龍平村 黎婆村

南岸村 暫村 屯村 那六村

石朋村 雙告村 各章村 古琶村

石龍村 大旺村 上貫村 下貫村

架村 梁山村 鳳凰村 把峽村

六曉村 河池村 新慶村 呂塘村

界嶺村 石應村 見村 那奉村

把除村 平地村 那他村 張貢村

那嗽村 古車村 上架村 白村

羅里村 同享村 墓魚村 大進村

遍被村 龍慶村 董龍村 那墓村

下遍被村 古奉村 新造村 長滿村

下龍慶村 大那馬村 那馬村 大馬村

堡背村 王二村 頓村 發村

下里村 平敬村 燒窑村 臘村

上里村 屯吉村 龍池村 丈堂村

龍女村 勞村 騰慈村 那隘村

苟懷村 上竹山村 下竹山村 古今村

黃江村 水晶村 古學村 龍唐村

長洞村 寨崇村 木便村 古縣村

那磨村 甘堂村 贊村 盤古村

土辨村 王曉村 馬他村 古磨村

長八村 樂邦堡 古雍堡 泰山堡

六回堡 新寧堡

里屬各堡舊有堡兵今裁堡田編入民田

墟埠

總埠在城內南門大街關帝廟後鹽倉四間

仁義子埠在仁義村離城七十里
橫橋墟在北下里離城三十里
寺村墟在寺村塘前離城五十里
白丈墟在安上里離城七十里
中平墟在仁義村後離城七十里
大樂墟在昌化里離城九十五里
三里墟在北下里離城五十里
馬平墟在西鄉里離城五十里
麻子墟在麻子村離城三十里

古城墟在南鄉里離城三十里
羅秀墟在北下里離城六十五里
屯田墟在西鄉里離城四十里

物產

紅白稻品第一五月種九月熟
豬米種植易生亦有紅白二種八月實者曰早粘
九月實者曰晚粘人久食體疲民俗俱以養豬
菜豆有夏秋二種三月種而五月熟名曰夏菜豆
七月種而九月熟名曰秋菜豆

香草出安中東鄉二里

夏枯草生於孟春月枯於夏至日故名能消癰瘰
一枝箭生於曠野葉青花黃直幹無枝能治疔毒
以及蛇傷

刀鎗藥生墻縫中葉細花黃能止金瘡血

百合形如蒜瓣可作蔬可碾粉

金銀花能敗瘡毒

李味甘美通志載出象州者佳

柴胡

象州志

卷之一

物產

二十四

桔梗

黃精

斑竹出聖塘山今無

楠木

樟木

松木

蓬竹易生而不堅實以之作蓬故名

猫相傳州有猫山產最善捕鼠

香草魚出香草江以江岸皆香草魚食之肥美

象州志

山川 附古蹟 關梁 驛站 道路 溝洫 嵯崗

地險莫如山川故王公設險以固其國雖彈丸黑子必扼要而圖勢使然也象州山亢鵝峯玉屏天蓋前後朝拱接川接柳江牛潭西浦上下縈洄形勝之雄甲於他邑加以谿崗阻深羣嵯雜處可謂險矣由是陸則謹關梁水則導溝洫中置驛站以通往來亦設險固國之義豈徒謂川流山峙恣遊觀誇名勝已耶志山川

象州志

卷之一

山川

二十五

天蓋山一名獨傲山在城南三十里層巒聳翠形秀如蓋上有仙女池名曰天蓋晴嵐為州八景之一

象臺山在城西隔江二里許嘗有白雲結形如象年豐吏廉則現名曰象嶺春雲為州八景之一
聖塘山在安中里嵯山險峻異常昔有人攀藤而上見一池清碧可愛游魚落花迥出塵表名曰聖塘仙境為州八景之一
玉屏山在西鄉里方正端巖聳若列屏遠枕城北

名曰玉屏曉翠為州八景之一

東岡嶺在城東五里舊有東山寺寂照菴今圯翠壁丹霞夕陽返照有寂照巖名曰東岡夕照為州八景之一

濮泉在城東二十五里即熱水之下流也北流滙於象江松檜森森水石交映名曰濮水名泉為州八景之一

牛潭在州江上三里許牛角洲邊一泓澄徹其色如鏡名曰牛潭秋月為州八景之一

象州志

卷之一

山川

二十六

大浪灘在象江上離城二里有浦在大浪灘之西每當月夜漁歌互答音韻悠然名曰西浦漁歌為州八景之一

五馬山在州西北隔江二里奔騰跳躍如駿馬脫韁

猫山在隔江正西二里如猫迴顧狀

筆架山在州南二十里形如筆架又南去五里為道士峯

獅子山在南鄉里金雞村高仰若獅

白面山俗名迴面山在州南十里橫鎖大江中為
象江下游砥柱有南山寺今圯

貴人山在州南十里端直秀聳

馬鞍山在北上里形如馬鞍上有洞舊有寺今圯

七層山在西鄉里香爐村中有七層巖

天柱山在安中里嵯山山形如柱

北山在州北七里舊有寺今圯

石牛山在南鄉里石牛村山有石如牛

雙筭山在昌化里兩山對峙形若雙筭上有巖

象州志

卷之一 山川

二十七

獨崖山在北上里仁義江頭二江會流處巉巖特
立有獨崖寺今圯基址尚存

居鹿山即通志石鹿山在北上里山脊有池名曰
鹿池

西山在州西隔江二里舊有西山寺今圯

鳳凰山在北下里離州二十里山勢凌空如飛鳳
狀

卧龍山在東南六十里

尖山在西鄉里平地突起尖秀凌空

雷隱山在東鄉里風土記云天將雨則此山先有雲起

寶雁山在西鄉里上有寶雁巖

龍女山在昌化里上有龍女洞

甘古山在州南二十里有甘古巖中有石刻

石人山在西鄉里香爐村上有大石遠望如人

長列巖在東鄉里離城六十里山勢綿亘上有長列巖

大圍嶺在南鄉里離城四十里

象州志

卷之一

山川

二十八

大歇嶺在南鄉里離城十五里

象鼻嶺在州西南十里

烏嶺在北下里離城三十五里

甕嶺在北下里離城二十里

風火嶺在北下里離城三十五里有風火洞

石門嶺在北下里離城十五里拱列如壁

文筆峯通志文筆山在城西南十五里尖秀如筆

拱向州治

鷄心峯在城北十里

銅盆崖在象江上四十五里
麻子崖在象江上三十五里

金灘崖在象江上三十里

磯沙崖在象江下離城十二里

金鷄巖在州治南西鄉里離城二十里有民居上

刻龍巖二字

半月巖在城北巖臨江岸形如半月

三仙巖在州北十五里

六祖巖在西山有石刻六祖巖三字

鷺鷥巖在州南十里有石如鼓呂景蒙名曰石樂巖

象真巖在象山石刻象真巖三字

文昌巖在五馬山後

石人巖在石人山巖臨江岸舊有石級近圯難於

登臨內多石刻疑即古誌所載歸隱洞

落才巖在落才橋側

羅漢巖在仁義江邊

沐恩巖在北下里沐恩村

仙女洞即古志丹洞在北下里熱水村有石刻仙女洞三字

龍舌洲在城西北隅象江中形尖如舌長抱州城青洲在象江上離城二里

大浪洲在象江上離城五里

牛角洲在象江上離城七里

黃昏洲在象江上離城二十里

黃茅洲在象江下離城五里

雞籠洲在象江下離城三十里

象州志

卷之一

山川

三十

象江在城西上接柳雒諸江下潯梧會左灘兩江直達東粵

七里江在州東七里源出東岡北流會橫橋十里

三江入象江

十里江在州東十里源出沐恩村北流會橫橋江

入象江

熱水江在北下里源出甕嶺自南北流入象江

橫橋江在北下里源出馬黎村自南北流入象江

落才江在南鄉里西南源出上廖村東南源出野

黎村北流會羅脉江頭仁義諸江入象江

大樟江在安上里源出大欖嶺北流會百丈江頭

羅脉諸江入象江

白丈江在東鄉里源出河頭北流下仁義會江頭

羅脉諸江入象江

仁義江即白丈江象諸小江中惟此可通小舟為

商賈貿遷之所然舟自運江入亦至此而止上則

灘高水淺難供挽運

江頭江又名香草江在安中里源出潯州府平南

縣羅運嶺西北會仁義羅脉二江入象江

羅脉江在昌化里長洞嶺西流會仁義江頭二江

入象江

下里江在昌化里源出金村嶺西南流會羅脉落

才諸江入象江

運江在州北四十五里為象維分界之所州東水

皆會此入象江小舟抵村落貿易者皆由此入

古城江在南鄉里源出潯州府武宣縣那移嶺西

流入象江

都落江在西鄉里源出西鄉里上茂村南流入象
江
狼村江在西鄉里北源出木村東源出六望村南
流入象州

牛角灘在象江上離城十里

野鬼灘在象江上離城十五里

金灘在象江上離城三十里

麻子灘在象江上離城四十五里

黃茅灘在象江下離城三里

象州志

卷之一

山川

三十二

叭喇灘在象江下離城十里

甘苦灘在象江下離城二十五里

白蓮池在城東北隅里許

龍角池在城內西北隅舊州署後有石笋二柱突

起如角有記今廢

仙女池在天蓋山獨傲二女飛昇處

熱水池在北下里熱水村旁水沸如煎鷄子可熟

三塘在東嶺下

火星塘在城內北隅

大蓮塘在北下里譚村蓮極茂

聖塘在聖塘山春夏水溢直注小江

石人塘在北下里重山村中有石似人形

五潮泉在北下里六漏村其水有潮如海每日五

次故名潮至則盈溢撤田退則清淺細流

木鸞泉出西鄉木鸞山頂

大樂泉在昌化里大樂村前水清澈冬溫夏涼數

里田畝悉資灌溉州東水利以此為最

北闕泉在城北半里水清味美

象州志

卷之一 山川

三十三

南橋泉在城南半里

東泉在城東半里

青潭在象江下十里

古蹟

陽壽縣即州治本漢中溜縣地隋開皇十一年析

桂林縣置唐于縣置象州明洪武二年省入州

長風故城在州治東九域志象州有古長風城廢

置無考

武德縣在州治西北唐置仍於縣重置象州天寶

元年省入陽壽

西寧縣在州治南隋大業初并入桂林唐武德中復析置屬象州貞觀十二年省入武德

瑞蓮亭在慈澤街方池中今莫可考

寒光亭在扶疎堂側宋孫覲有詩今無考

一覽亭在州治東南隅離城二里久圮

超然亭在隔江二里許西山寺旁久圮基址尚存
敬一亭在學宮東明萬歷十三年知州李維岳建
久圮

休休亭在東崗嶺下距城四里許明總兵孟宗文
建久圮基址尚存

象江亭在城西門外乾隆六年署知州張坊建

象臺在州南三十里通志載云平地崛起歸然若
臺四望平遠今莫可考

謝家園在州南門外宋進七謝氏兄弟所營內建
扶疎堂竹木深邃王安中南遷嘗寓此今無考
韋厥碑在智誠洞蓋即厥所隱處也碑乃刺史韋
敬辦立今無可考

退思軒在隔江二里許西山寺超然亭之右明秦
璉建為訓子肄業之所俯長江瞰平原豁人心目
久圯基址尚存

驛站

象臺驛在南門外明初建

國朝以州屬偏僻裁汰廳宇久圯基跡尚存

東路旱塘由州城二十五里至青山塘二十五里
至寺村塘三十里至督金塘二十五里至大樂塘
三十里至纜村塘共一百三十五里與平樂府修

象州志

卷之一

驛站

三十五

仁縣交界俱山路僻徑

西路旱塘由州城十二里至都落塘二十里至狼
村塘十八里至二陂塘共五十里與馬平縣交界
俱山路僻徑

南路旱塘由州城五十里至牛欄塘與潯州府武
宣縣交界俱山路僻徑

北路無旱塘五十里至波羅村與維容縣交界山
路僻徑

南路水塘由州城十里至南沙灣塘二十里至金

雞塘共三十里與潯州府武宣縣交界
西北水路由州城十里至野鬼塘十里至巖村塘
十里至麻子塘十五里至運江共四十五里與馬
平雅容兩縣交界

道路

東門街
南門街
西門街
北門街

象州志

卷之一

道路

中城街

州前街

義學街

禮義街

西門馬頭長十八丈五尺濶八尺十級一百一十四
乾隆二十二年知州蔣曰萊捐俸創建

溝洫

城南一澗 二澗 三澗附郭田畝資其灌溉
城北一澗 二澗 三澗附郭田畝資其灌溉

七里江 十里江 三塘江 東泉城東附郭田
畝資其灌溉

沙江澗 木鸞泉城西對岸鄉里田畝資其灌溉

熱水江 橫橋江 石人塘北下里田畝資其灌

溉

落才江 古城江南鄉里田畝資其灌溉

大樟江東鄉安上二里田畝資其灌溉

江頭江 仁義江安中里田畝資其灌溉

下里江 羅脉江 大樂泉昌化里田畝資其灌

象州志

卷之一

溝洫

搖崗

三十七

溉

都落江 狼村江西鄉里田畝資其灌溉

搖崗

四水搖在安中里離城東一百二十五里

古城搖在安中里離城東一百三十里

大欖搖在安中里離城東一百三十里

古東搖在安中里離城東一百二十里

六蒙搖在安中里離城東一百二十里

黃茅搖在安中里離城東一百二十里

六甲徭在昌化里離城東北一百三十里
硃石徭在昌化里離城東北一百三十里
長洞徭在昌化里離城東北一百三十里
六旺徭在東鄉里離城一百三十里
五田徭在東鄉里離城一百三十里
金村徭在昌化里離城一百三十里

關梁

東關在城東門外久圮
南關在城南門外舊有二關內重關原題額曰迎

恩久圮基址尚存
北關在城北門外久圮
杉朗隘在州南門十里
狼村隘在州城西四十里兩旁石山中穿一徑為
西鄉要隘
古董隘在安上里離城九十里
南隘在昌化里離城九十里
廣濟橋在城東月城外
雲錦橋在南門外洪武十一年建今圮

十里橋在城東十里明洪武二年建為州東各里
通衢

土橋在城南三里許明洪武二十年建

成旺橋在北下里離城東北隅十五里明萬歷年
間建乾隆十年重修

鳳凰橋在州城北十八里

古鳳橋在州城東北隅三十里

熱水橋在州城東十八里

廣化橋在州城東六十里元泰定四年建

橫頭橋在州城東三十里宋淳熙十年建為東鄉

南鄉安土安中昌化北土北下七里通衢

通濟橋在州東北三十里載通志

東安橋在城東六十里載通志

落才橋在州城東四十里載通志

中平橋在州城東六十里雍正二年里民何世長

等倡建載通志

大樂橋在州城東北一百里雍正七年里民譚元

耀等建造載通志

沙江橋在州城西隔江四里雍正十年重建
象江渡在北門河下

西江渡口在西門外為州治水陸要津向係土砌
沙隄水漲則泥濘險隘每有顛溺之患水落則高
峻數十丈勢陡難行諺云象州武宣挑水上天即
此乾隆二十二年知州蔣曰萊捐俸鳩工創為石
馬頭一座高五十餘丈逐層安碇以固堤工中造
月臺盤曲而上以緩水勢波濤雖險衝決無虞

象州志卷之二

民賦 附戶口 人丁 地畝
積貯 額辦 蠲卹

嘗考禹貢荊州厥田下中厥賦下下粵介荆南而象隸粵之中土其田賦殆與荆埒况山多田少地瘠民貧又不逮荆遠甚幸蒙

國家休養生息生齒日繁地利日闢編審之年止增丁而不加賦誠曠古未有之盛典也志田賦

戶口

象州新舊戶口共計一萬三千三百三十八戶內

象州志 卷之二 民賦

大口三萬五千七百一十名口內男丁一萬七千九百三十名口婦女一萬七千七百八十口小口一萬二千一百五十四名內男丁六千一百二十八名女六千零二十六口
人丁

原額完賦人丁五千一百六十五丁八分一釐五毫七絲七忽每丁徵銀一錢一分七釐五毫一絲七忽每丁征銀一錢一分七釐零該征丁銀共六百零七兩零三分七釐零康熙五十五六十年雍正

四九各年編審增益人丁一百七十九丁又乾隆
元六十一各年編^審增益人丁二百九十七丁乾
隆十六年編審增益人丁一百三十二丁俱欽奉
恩詔續增人丁永不加賦

地畝

象州原額官職民田地塘共稅一千零三十二頃
二十九畝零嗣遵

旨委官勘明實係舊荒捏作老荒改歸舊荒稅三頃零
三畝零詳請具

象州志

卷之二

戶口 人丁

二

題奉准部覆在案又請申勸墾等事案內行據委官
勘明蔣上達韋善忠等雍正八九兩年開墾舊荒
旱地塘稅悉係山嶺澗畔地土瘠薄並無水源可
以灌溉僅堪種植桑麻襍糧自難令其仍照原報
陞科則徵輸詳請減除秋糧米九十二石二斗一
升零又請申勸墾等事案內行據委官勘明朱崇
義等雍正十年開墾下則老荒水民田俱係山田
坵面石骨歷數年來驟雨瀑流冲去浮土僅存石
骨難復成田豁除稅九十畝詳請會

題奉准部覆在案外尚實額稅一千零二十八頃三十六畝零實徵成熟稅一千零二頃九十三畝零外雍正十三年分各生俊捐納墾熟未入全書下則老荒民田二頃四十畝通共成熟稅一千零五頃三十三畝零

原額秋糧共四千一百四十三石零後奉委查勘豁除不成田米九百二十七石零現在實征本色熟米三千一百七十六石三斗九升零該地畝等項共銀二千四百七十九兩九錢零

以上丁編地畝四差折糧并增丁等項實征熟銀共三千零八十六兩九錢四分零內存留解司府及在州俸工等項支應共銀六百二十七兩五錢零

起運項下共額地丁翠毛折色熟銀二千四百一十二兩四錢零

原額征收本色熟米三千一百七十六石三斗九升零內存留米五百三十五石七升零撥解兵米二千六百四十五石零六斗六升零內補足各後荒

缺米四石一斗六升零實在兵米二千六百三十六石四斗九升零

積貯

常平倉額貯穀一萬二千石

社倉採買備賑穀二千五百石

義倉穀八百一十八石五斗乾隆十六年知州郭

芝詳歸常平倉積貯

額辦附

御用翠毛額解折銀五兩九錢七分零水脚銀一錢

象州志

卷之二

積貯

額辦

四

七分零

命 按解京額辦前朝皆辦本邑赴京百姓罷於奔

國朝軫念民艱

詔令折邑自康熙七年至四十年疊奉部文改徵羣黎

感戴巷舞塗歌今仍存舊額以見邊民正供有常

無復額外之征而

盛世輕徭薄賦寬大之恩永垂萬世云

蠲卹

宋

景德四年十月詔宜柳象州懷遠軍死罪以下非十惡謀故鬪殺官吏枉法犯贓者並原之又蠲宜柳象州懷遠軍丁錢及夏秋租

元

泰定三年十一月慶遠安撫司饑己亥靜江象江諸路饑並賑之

明

泰昌元年詔免各州縣新餉稅課所設盡免

象州志

卷之二

蠲卹

五

國朝

順治十二年詔免十年十一年分未完糧

順治十三年蠲免十二年十三年分糧

康熙十六年八月豁免本年錢糧

康熙二十一年免馬平等七州縣並武宣縣徵過銀米

康熙二十二年免十七年以前民欠錢糧稅銀及帶徵錢糧

康熙二十四年赦免死罪軍罪以下

康熙三十三年蠲免應徵地丁銀米
康熙四十三年蠲免地丁各項錢糧
康熙五十年全免應徵地丁銀並歷年舊欠
雍正元年免各年久民欠錢糧
雍正八年全蠲州屬錢糧
乾隆十一年全蠲地丁銀米

象州志

鹽法

周以鹽人掌鹽而漢時鹽鐵皆歸於官蓋鹽之為利由來久矣然海鹽池鹽井鹽所在間產惟粵西無鹽皆取給於粵東象鹽向係商運時或缺乏上逋

國課下病民食嗣易以官運官銷又不免侵漁之患總而論之有治法者必需乎治人苟非其人徒法不能以自行如得其人舉而措之裕如也在官在

象州志

卷之二

鹽法

七

商又奚擇焉志鹽法

象州額鹽引一百零九道九分康熙三十二年奉文改原額一引改作十引共小引一千零九十九道每引行鹽二百四十八觔二兩零共計鹽二十七萬二千七百七十八觔八兩零康熙五十六年因商人辦解餉稅每有遲悞經知州楊以牧援例通詳懇請均撥引目業奉批准雍正二年奉總督部院孔

題准官運官銷每年解淨價銀五千二百四十七兩

九錢五分八釐內解鹽本銀六百八十五兩一錢二分三釐零實解部價銀四千五百六十二兩八錢三分五釐零又每年額銷餘鹽二百包應解價銀五百五十兩零五錢六分二釐乾隆二十三年戶部侍郎吉慶兩廣總督李侍堯以粵西商辦之埠拖欠羨餘銀至五萬八千餘兩而官辦之埠拖欠羨餘銀反至九萬六千餘兩夫商人行鹽或有夾帶行私重價病民等弊地方官實力稽查則商人尚有顧忌而不敢肆行惟至官辦官銷則雖


恣意行私高抬價值誰復為之查察且領引行鹽本屬商人之分今分給官辦既欠帑銀復滋弊竇莫若仍歸商辦使領引行鹽納課皆有專責更為妥協部議亦如之

上可其奏於是改歸商辦自二十四年始

額徵 東餉銀一千三百九十一兩二錢五分六釐
西稅銀八百六十二兩七錢零四釐

又餘鹽改引二百四十三道四分一釐二毫該鹽三百八十包應解鹽價銀三百零七兩九錢四分四釐

又勻銷臨桂縣引四百道該鹽六百二十六包應
解鹽價銀五百零六兩零七分二釐



象州志

卷之六

食貨

九

象州志

學校 附書院

自古興賢育材必由於學黨庠州序周制為備至於家各有塾塾各有師大旨總在飭紀敦倫明體而達用也象學自唐迄明修廢不一幸逢

聖朝文教昌明

宮墻整肅州學之外復立義學俾橫經之士講習有地觀摩有資固宜騰厚實而蜚英聲者之後先輝映也志學校

象州志

卷之二

學校

十

州學自唐大歷十二年始建於城外東南隅明洪武二年知州李永修改建於城內東南隅永樂間知州朱良弼余存諒相繼修葺宣德十年燬

正統五年巡按御史朱暹屬知州何敬重建

嘉靖十二年知州林益建明倫堂三間

嘉靖二十三年署州事陳陵建啟聖祠未就學正霍桂成之祠尋圮

嘉靖二十四年知州吳必學重建後廟祠俱圮

萬歷四年知州謝一楓重建

萬歷十三年兵巡道郭棐知州李維岳捐修

國朝康熙四十九年知州張天訓修大成殿兩廡戟門櫺星門啟聖名宦鄉賢諸祠

雍正元年改換崇聖祠額增立神位祭器

雍正三年知州陸廷光修明倫堂

雍正五年學正蕭禮讓重修宮墻

雍正十三年知州張昕重建

乾隆十八年知州郭芝學正劉用訓導黎秉介偕

紳士增建明倫堂三間頭門一間

今計禮門義路各一楹櫺星門係石柱戟門三楹大成殿五楹東西兩廡各五楹崇聖祠五楹名宦鄉賢祠各一楹宮墻在泮池前高二丈寬二丈五尺

歲考文生取入十五名武生取入十五名科考文生取入十五名廩膳額二十名增廣額二十名學田坐落昌化里實徵熟稅四頃一十二畝四分零實徵熟銀二十八兩三錢二分零

書院

象江書院舊名義學

北門內久圯雍正元

年知州徐德秩移建於城西南隅州庠生覃谷芳
捐地雍正八年知州陸琛捐修未竣知州孫嵩繼
修完工十三年知州張昕重修前後各三間兩廂
六間頭門一間共十三間乾隆十六年知州郭芝
吏目丁泰捐俸重修二十五年知州李宏濬據紳
士呈請移建舊州地址改名象臺學院

猺獞義學在安中里中平墟雍正十三年張昕建

屋三間尋圯乾隆三年知州祖承祐重建六年知
州沈嘉徵修葺例每年延師教讀赴藩司領火
銀一十二兩十五年裁汰

象州志

建置

附城池

廨署

倉庫

象古陽壽地東岡扼其左江流帶其右面天蓋而枕玉屏通潯梧而接柳慶雖非天塹之雄亦擅輿圖之勝我

國家帶礪河山封疆鞏固凡屬山城澤國固已共慶苞桑矣有牧民之責者誠能未雨綢繆勤加修葺為保障勿為繭絲則治益求治安益求安正不獨潤色隆平已也志建置

象州志

卷之二

建置

十三

城池

象州舊係土城規模甚隘創始年月無考

明洪武間始築開東西南北四門又小南門尋塞成化十四年守禦都指揮楊觀於西南北門上各建樓一座

嘉靖九年知州林益請於總制林富發公帑撤舊串樓改砌磚石

萬歷十三年知州李維岳重開小南門改曰進賢建樓一座後圮

國朝康熙六十年知州江義重建迨後城垣城樓各處崩壞知州陸廷光捐修

乾隆二十二年知州蔣曰萊重葺

今計城高一丈八尺濶一丈週圍五千九百五十丈堞口一千六百四十五城門五東曰賓陽南曰鎮南西曰朝江北曰象臺小南門曰進賢池濶二丈五尺深一丈

廨署

州署元大德六年建在城西門內偏近城垣年久

象州志

卷之二

廨署

十四

顏圮

國朝遷建於城東門內即明總兵孟宗文故居前後

堂內室共五層每層三間

康熙五十七年知州楊以牧修并增葺吏書草舍六間

乾隆元年知州張昕鼎建頭門儀門各三間大堂二堂各三間三堂五間內宅三進共十五間花廳三間書房五間左首吏廨六間羣房瓦屋四十餘間計地圍圓二百一十六丈

乾隆六年知州沈嘉徵前後修葺增建班房二間
川堂一座書吏舍四間吏廨換瓦

乾隆十七年知州郭芝建土地祠於大堂左吏舍
旁

乾隆二十一年知州蔣曰萊捐修川堂煖閣吏廨
學正署明萬歷十三年知州李維岳建久圯基址
無考雍正五年學正蕭禮讓在宗聖祠西建瓦屋
四間

訓導署明萬歷十三年李維岳建久圯基址無考

雍正六年訓導黃龍德在宗聖祠之東建屋瓦三
間草屋二間雍正十三年訓導陳先又建草屋
三間

吏目署原在舊州署東久燬今在中城街前後二
座每座五間東西廂房二間吏房一間具草舍乾
隆元年知州張昕吏目冀州煜捐俸易以瓦

龍門寨巡檢署原在昌化里離城八十里久圯移
住北門內大街後燬乾隆十八年知州郭芝詳請
復移昌化里鼎建前後兩座頭門廂房吏廨共瓦

屋十間

城守署在城東北隅明洪武二十四年千戶尹鎮等建前後兩座各三間大門儀門各三間旗纛廟三間俱草舍
教場在東門內寬九丈長五十九丈演武廳三間久圯基址尚存
行臺在州署二堂後一座三間頭門一間乾隆十七年郭芝建
倉庫

象州志

卷之二

廨署

倉庫

十六


倉廩共十八間在州署南雍正三年張昕重修倉前君子亭一間楊以牧建
庫一間在州二堂右

監獄原在舊州署西北隅久圯原建年月無考

國朝遷建於州署南屋一座三間雍正四年張昕添建圍牆乾隆六年沈嘉徵增建監外耳門兩座窩舖一間二十年蔣曰萊添建內監三間木籠二座外監俱重修

養濟院乾隆元年奉文建造四年知州祖承祐鼎

建於南門外瓦屋六間額設孤貧六名每年給米
二十石六斗并冬衣銀三兩十七年知州郭芝史
目丁泰捐俸重修



象州志

卷之二 廟署

十一

象州志

壇祠 附寺觀 樓閣

禮重壇廟昉於虞夏崇德報功總以為民祈福耳
國朝定制有司奉行除淫祀必嚴外凡有關於民間
水旱疾疫之禱者皆載祀典象列南服信巫尚鬼
固其舊習近百年來

文教昌明曩之魑魅魍魎已消滅於祥風瑞日之下
而山川社稷諸壇廟已肅然悚敬矣其或寺觀不
至惑民樓閣可壯觀瞻者姑錄其一二以助江山

象州志

卷之二

壇祠

十八

之勝云志壇祠

社稷壇舊在象江西岸明萬歷十五年知州李維
岳遷建於北關外

國朝雍正十一年知州孫嵩重修建頭門一座內立
壇坵四面圍以土墻

山川風雲雷雨壇在南門外大離城里許明萬歷
十五年李維岳建久圯雍正十一年孫嵩遷於雷
王廟後

先農壇在小南門外沙子嶺坐西朝東壇高二尺

一寸寬二丈五尺祠宇三間大門一座內立炮臺
四隅磚砌外有圍牆石階雍正五年奉文建造知
州陸廷光督建立神位祀奉藉田四畝九分穀四
石有零

鎮屬壇在城外東北隅地名古車離城里許明萬
歷十五年李維岳建

關帝廟在城內南門街雍正九年孫嵩建乾隆二
十一年知州蔣曰萊捐俸重修

城隍廟在城南門內原建年月無考康熙五十六

年六十年知州張琦江莪相繼修葺乾隆二十一
年蔣曰萊捐俸重修

雷王廟在東門外里許原建年月無考雍正十一
年孫嵩重修乾隆二十一年蔣曰萊捐俸重修

甘將軍廟在城內西北隅祀二甘將軍

楊先生祠在學宮東宋嘉定間建祀提典刑獄楊
方明毛伯溫有記久圯

白袍廟在城北門內祀唐流寓薛將軍

寺觀

景德寺在城南里許

寺村寺在寺村塘

長峯寺在安中里謝官村

元妙觀在景德寺旁久圯東郊迎春在此又名三

清觀

明月觀在南鄉明月村

寂照菴在州城東久圯

樓閣

鎮南樓即城南門樓 關帝

象州志

卷之二

寺觀

樓閣

二十

瑤光樓即城西門樓乾隆八年知州沈嘉徵建祠
天后

拱宸樓即城北門樓明成化十四年守禦都指揮

楊公觀建祀北極

文昌閣在北門外明萬歷十三年知州李維岳建

臺一座臺上建屋前後各五間上為文昌樓下為


觀音閣閣下兩廊各三間閣前建堂五間堂前照

牆三堵甃以磚石西面大門三間圍以土牆有祭

田因闕久圯并歸拱宸樓管理

卷二終





故宮圖書印
民國二十二年六月重鈔

3

地 340.153

134

22

3



象州志

象州志卷之三



秩官

朝廷設官分職布化宣猷所以為民極也象自秦漢已隸中國隋唐以來或隨時增損或因地理變易洎斯土者代有聞人昭然可考我

皇上整綱飭紀澄清吏治固已仕官惟賢位事惟能駕前代而上之矣一時身膺民社克供厥職者胥得備載以增仕籍之光焉志秩官

官制梁陳以治無考

象州志

卷之三

秩官

隋置始安太守

唐改置柳州刺史天寶間又改置象州刺史

宋改置知象州

元改置象州路總管

明改置象州知州并設學正州同等員

國朝

象州知州一員

學正一員

訓導一員

吏目一員

龍門寨巡檢一員

舊設象臺驛驛丞一員今裁

受納倉大使一員今裁

唐

象州刺史

秦元覽

成 匝

韋 挺貞觀問任

柳 爽蒲州解人顯慶二年任

韋 滂南海人

雷廷秀

象州志 卷之三 秩官

二

韋敬辨

司法叅軍

李楚珪

司戶叅軍

王顯賢乾符間任

宋

知象州

張仁謙汝州人五代時為北

唐承裕興安人開寶間任 何 邴景德中有勞績

周源 慶歷中任

李巖 樂昌人治平中任

張唐輔 字元禮元豐間任

李公翊 失名見曾鞏文

陳雄 長溪人 大觀三年朝散大夫任

游輔 蒲田進士宣和中朝散大夫任

江灝 字良弼 崇安人 進士紹興間任

陳大和 紹興間任 詳名宦

唐俊乂 紹興間任 詳名宦

陳諒 字友仲 山遊人 慶元六年任

陳大紀 嘉泰間任

林壽公 蒲田人 嘉定進士

祝華 婺源人 進士由上元縣簿陞任

奚必勝 寶祐間任

汪松 字茂叔 三衢人 開禧間任

通判

象州志 卷之三 秩官

石安民 紹興間任 詳名宦

推官

歐陽光 保昌人

鄧鵬飛 保昌人

司戶叅軍

譚式 曲江人

司法叅軍

趙以夫

元

象州路總管

彭應雷 字震卿分宜人延祐進士由南寧判官任舊志誤列明代

明

知州

朱良弼 永樂間任 廣東肇慶人

胡敬 宣德間任 河南靈寶人

張金陵 正統間署 景泰間任 詳名宦

劉祖 江西人成 福建沙縣舉 人宏治間任

林紹宗 福建興化舉 福建莆田進士嘉靖十 二年任舊志作李疑誤

俞慶雲 福建莆田舉人 嘉靖十三年任

象州志 卷之三 秩官 四

吳必學 福建延平舉 萬人傑 嘉靖 人嘉靖間任

陳陵 嘉靖二十 黃玠 福建漳 三年署任 浦舉人

趙懋貞 浙江蘭 王嘉麟 雲南大 溪人舉人

胡朴 浙江餘 李允宜 廣東揭陽人 姚人隆慶元年任

黃大載 廣東博 李成棟 陝西興 羅人平人

劉廷膏 廣東新興舉 謝一楓 萬歷 人萬歷間任

陳一定 廣東揭陽舉人 李維岳 福建海澄人萬 萬歷七年任

嚴應恩 字君貺北直順德 梁大材 廣東羅定人貢 舉人萬歷間任

茹復 廣東新會舉 人天啟間任

州同

李友

洪武元年任
通志作友賢

王世守

四川合州人萬
歷十七年任

詹洲

江南婺源舉人萬
歷二十二年任

州判

姚宣

浙江嘉興人
洪武中任

龍文富

黃京

永樂二十三年
任後裁

學正

譚尚卿

全州人
貢生

梁積

廣東順
德人

霍桂

嘉靖
間任

彭卿

湖廣長寧人萬
歷十五年任

象州志

卷之三

秩官

五

文應選

湖廣安鄉人貢
生萬歷間任

王熙

臨桂
舉人

鮑如京

宜山人萬歷
十六年任

吳瑤

臨桂
舉人

張綸

覃大猷

融縣人萬歷
二十一年任

羅彥俊

余光

唐挺相

全州
舉人

鍾鼎

馮克溫

陳策

吳崗

謝曰隆

楊世春

周經

李承之

蒼梧人

五星

梁方圖 懷集人貢生 崇正間任

訓導

興典 廣東饒平人

黃希舜 宣化人 貢生

甘可應 萬歷十年任

甘必達 橫州人 萬歷十年任

羅祖彥 江西寧都人貢生 萬歷十七年任

曾以誠 蒼梧人貢生 萬歷二十年任

張厚 江西新喻人貢生 萬歷二十二年任

鄧林

吳臻

駱廷璧

陶經

潘縉

李崇禮

盧志 賀縣人貢生 一作虞

象州志

卷之三

秩官

六

郭標 廣東南海人

胡所思

徐灤 四川開縣人 萬歷四十年任

吏目

陳以瀚 萬歷間任

國朝

知州 康熙二十年以前無考

朱英 江西安福人 康熙二十年任

戴兆龍 浙江慈谿人 康熙二十年任

田明琦 山東肥城貢生 康熙二十年任

李之華 自君寶鑲黃旗人 康熙二十三年任

王瑚 康熙二十年任

魯國華 康熙三十年任

象州志

卷之三

秩官

七

柯貞乾 鑲紅旗人廕生康熙三十六年任

勞啟詵 字景曾浙江石門人康熙三十七年任

周之傑 順天大興人監生康熙三十九年任

盛得智 正藍旗人監生康熙四十一年任

吳良哲 浙江山陰人軍功康熙四十四年任

張天訓 湖廣通城貢生康熙四十六年任

茹復 廣東新會舉人

張琦 康熙四十九年任

楊以牧 江南江都監生康熙五十三年任

江莪 湖廣漢陽人康熙五十九年任

徐德秩 江南崑山人雍正元年任

陸廷光 江南吳縣人監生雍正三年任

陸埰 江南吳縣人雍正五年任

孫嵩 江西武進人貢生雍正八年任

張昕 直隸保安貢生雍正十一年任

祖承祐 正藍旗人監生雍正十二年任

沈嘉徵 字懷清浙江山陰人乾隆七年任

陳世潤 北直寧晉舉人乾隆十一年任

鄧芝 北直棗強舉人乾隆十五年任

蔣日萊 江南吳縣貢生乾隆十九年任葦州志

李宏滑 江南甘泉人乾隆二十二年任

蘓洪 江南江都監生乾隆二十七年署任

陸靄吉 江南元和縣貢生乾隆二十七年任

學正 順治年無考

唐挺相 全州舉人康熙初年任

潘起洙 臨桂貢生康熙二十八年任

歐陽燿 平樂貢生康熙三十年任

何天祥 荔浦貢生康熙三十二年任

蘇源 蒼梧舉人康熙四十年任

謝鼎鎰 全州舉人康熙四十六年任

謝象超 全州舉人康熙四十八年任

黃飛熊 永淳貢生康熙五十年任

鄧毓英 全州舉人康熙五十二年任

何兆龍 新寧舉人康熙五十六年任

唐振璽 宣化舉人康熙六十年任
 高若柔 岑溪舉人乾隆二年任
 蔣僑 臨桂舉人乾隆二十二年任
 訓導 順治年無考

蕭禮讓 臨桂舉人雍正五年任
 劉用 桂平舉人乾隆九年任
 蔣涵秀 全州舉人乾隆二十四年任

梁黃庭 懷集貢生康熙初年任

劉萬里 桂平貢生康熙二十八年任

陳敷翼 橫州貢生康熙三十五年任

封司弼 容縣貢生康熙四十一年任

邱振榮 昭平貢生康熙四十四年任

袁履貞 思恩貢生康熙四十六年任

蒙瑄 貴縣貢生康熙五十二年任

李春樹 容縣貢生康熙五十九年任

羅光臨 桂平貢生康熙六十年任

唐懋行 灌陽貢生雍正二年任

象州志 卷之三 秩官

黃龍德 桂平貢生雍正六年任

陳先彝 武宣貢生雍正十三年任

廖之榮 宣化貢生乾隆三年任

陸良輿 賓州貢生乾隆十年任

黎秉介 河池貢生乾隆十七年任

吏目 康熙五十年以前無考

阮韶 浙江會稽人監生

蕭之華 順天大興人監生康熙五十八年任

姜際隆 山西大同人康熙六十年任

馬宗李 順天大興人監生

楊世榮 陝西富平人監生雍正四年任

嚴翼 順天大興人貢生雍正六年任

周有禮 江南金谿人監生雍正八年任

吳觀 浙江平湖人監生雍正十二年任

冀州煜 山西平遙人監生乾隆元年任

李繼白 湖南臨武人拔貢乾隆三年任

象州志

卷之三

秩官

九

徐澍 貴州貴筑人貢
生乾隆七年任

施廷文 江南婁縣人監
生乾隆八年任

譙廷桂 江西高安人監
生乾隆十年任

胡華先 江南涇縣監生
乾隆十二年任

俞本 廣東嘉應人監生
乾隆十四年任

丁泰 浙江山陰人監生
乾隆十四年任

蕭應銑 廣東平遠人監生
乾隆十七年任

林光邦 福建沙縣人監生
乾隆十八年任

鍾際泰 廣東高要人監生
乾隆十九年任

范廷弼 廣東大浦人乾
隆十九年任

沈錫 正白旗漢軍監生
乾隆二十年任

劉梅 湖南長沙人乾
隆二十四年任

龍門寨巡檢 康熙四十七年以前無考

王世遴 浙江餘姚人貢生
康熙四十八年任

侯永年 陝西三原人康
熙五十四年任

趙先煜 北直保定人康
熙五十七年任

吳賦穀 浙江山陰人監生
康熙六十一年任

高昭 河南陳留人
雍正三年任

蔡多奇 浙江蕭山人監
生雍正六年任

韓昌繼 河南商邱人
雍正八年任

王萬年 順天大興人供事
雍正十三年任

何榮 湖廣武崗人
乾隆三年任

鄒鎡 貴州思南人拔
貢乾隆八年任

韓佐唐 湖南湘潭人監
生乾隆九年任

陸維熊 順天大興人
乾隆十年任

傅廷珠 山東聊城拔貢
乾隆十九年任

朱一綜 湖北枝江人監生
乾隆二十年任

王會鐸 廣東瓊州人乾
隆二十六年任

象州志

選舉

歷代取士之法因時遞變而旁求俊乂之旨大畧相同然必平時造就於膠庠薰陶于禮樂在野不愧為良士斯立朝無忝乎名臣記曰先資其言拜自獻其身以成其信是也今

國家文教覃敷首重科目兼行徵辟即至擅一才一藝者亦膺三考之選恩明誼美固已遠軼漢唐矣象屬粵西中土都人士涵濡

象州志

卷之三

選舉

十

聖化百有餘年其間掇巍科而官清要者實繁有徒可謂邦家之光非獨閭里之榮也志選舉

科目考

科目之設仿唐時貢舉之法至宋又設進士制科尤稱貴重迨元鄉試中選者行省移咨都省送禮部會試南人取合格者七十五人象屬南服豈無一二中選之士惜代遠年湮簡編殘缺無徵不信考古者心竊憾之明初洪武三年詔開科鄉試四年會試六年停罷十六年始頒科舉成式凡三年

一舉象邑中鄉試者洪武十七年始會試者永樂十六年始十六年詔府州縣學歲貢生員一人正統六年定例府學一年貢一人州三年二人縣二年一人著為令嘉靖隆慶以後則有選貢遇恩則有恩貢崇禎元年則有拔貢後又三途兼用薦辟吏員往往得至大府迨成化宏治後始專重科目國朝仍明之舊間舉孝廉鴻博經學諸途兼收並錄細大不捐視虞夏之闢門顛俊何多讓焉

進士

象州志

卷之三

選舉

十一

宋

崇寧二年癸未科霍端友榜

吳

沉

州官知

秦

忠

官評

宣和三年辛丑科何渙榜

謝

洪

澤兄官
南海尉

謝

澤

歷官容管舊
志作王嘉榜

元無考

明

永樂十六年戊戌科李騏榜

傅

敬

官御史
詳人物

國朝

乾隆二十六年辛巳 恩科王杰榜

馮昌紳 翰林院庶吉士

舉人

宋

吳 況 科分未詳見進士

秦 忠 科分未詳見進士

宣和元年戊戌科

謝 洪 見進士

謝 澤 見進士

元無考

象州志 卷之三 選舉

明

洪武十七年甲子科

吳敏惠 學正

秦宗仁 廣州同知

洪武二十年丁卯科

鄧 敏 禮部主事詳孝行

洪武二十六年癸酉科

胡 寬 翁源訓導

洪武二十九年丙子科

唐 淵 戶部主事

盧 觀 漳州推官

永樂六年戊子科

吳寧 知縣

馮敏 交趾通判

永樂九年辛卯科

傅敬 見進士

黃聰 同知

梁文祐

永樂十五年丁酉科

吳濬 莫本

正統三年戊午科

秦進 通判舊志作進詳鄉賢

象州志 卷之三 選舉 十三

正統十二年丁卯科

沈綱 鹽課提舉

景泰元年庚午科

唐景 桂陽知縣

景泰四年癸酉科

胡志 韓用

天順三年己卯科

曾振 知化州師宗二州

成化元年乙酉科

唐源

尹傑

成化七年辛卯科

秦欽進子化州同知

成化十三年丁酉科

王琳潮陽教諭

舒經

成化十九年癸卯科

朗清司務詳人物

潘岳州判

成化二十二年丙午科

唐濂樂昌知縣

象州志 卷之三 選舉

宏治五年壬子科

許紀連山知縣

宏治八年乙卯科

莫仲銘推官

宏治十一年戊午科

秦銳進子武陵知縣詳進傳

宏治十七年甲子科

呂景蒙御史詳儒林

正德五年庚午科

吳資 漢州學正

正德十一年丙子科

張鵬

嘉靖十年辛卯科

秦志道 澄邁知縣

崇正九年丙子科

蔣朝焜

崇正十二年己卯科

賈蔭聖

象州志 卷之三 選舉

國朝

康熙三十五年丙子科

梁士彬

何恩麟

康熙五十二年癸巳 恩科

梁士綸 崞縣知縣

乾隆三年戊午科

劉光烈

乾隆十八年癸酉科

馮昌紳 見進士

乾隆二十一年丙子科

朱毓炯

乾隆二十四年己卯科

周楨

貢生

明

秦尚禮 江南歙縣知縣

銀深 交趾知縣

雷迅 交趾主簿

秦慶

潘最 襄府經歷

賈敬 交趾縣丞

象州志

卷之三

選舉

十六

譚淵 交趾磨厓

秦仁澤 當塗縣丞

盧敞 廣東清遠縣主簿

陶秀

吳畿

陶朱

周顯

陳紀

顧鍾

張紀

黃鑑

何通

鄧蘭

譚謙

黃禮 經歷

孫鼎 四會縣丞

周郁 漳浦縣丞

秦顯 見鄉賢

象州志

卷之三

選舉

十七

覃寧欽州吏目

徐護韶州府經歷

譚致和

唐裕瓊山縣丞

蘓永隆

李慶寧國府同知

王徵廣州吏目

賈璇安陸衛經歷

李復永州府主簿

秦鉞

洗澤遼府興儀正

覃澤

傅玉高州府經歷

高鳳

唐淦

尹昂

秦淮

張夔

韋祥通州經歷

盧寧周府審理

秦璫耀州吏目

潘懋海豐縣丞

郝銘靖州同知

張寧

陶錦

熊俊竹溪縣主簿

李與化州同知

楊茂

黃邁

唐泓龍水縣訓導

高翰

張聰

唐錦

秦鎬

何紀

蘓綱蕭山縣主簿

馬胤龍 永定州王簿

李 冀

張大材 靈川縣訓導

張大學 龍川縣教諭

浦世麒 潮陽縣教諭 一作麟

吳元勳 河南府教諭

滕嘉定 高要縣教諭

陶成傑 東莞縣丞

莫 中 興安縣訓導

張 學

周邦彥

郝 球 龍川縣教諭

馬希援 黟縣主簿

趙 瑞 照磨

秦 筠

秦湯相 常熟縣主簿

馬于河 東鄉縣主簿

高 玠 橫州訓導

象州志

卷之三

選舉

十八

王用中

周之岐 藤縣訓導

姚化中 恩平縣知縣

譚 易 興安縣訓導

郝敏問 縣丞

尹 實 合浦縣知縣

高 璋

唐國賢 莆田縣丞

郝有年 全州學正

朱 立

浦宗淮 臨桂縣訓導

高悠遠 沙縣教諭

張問仁 藤縣教諭

張 澤

尹先知 雷州府通判

吳登太

滕司射

孟鄒偉 湖廣大治縣知縣

象州志

卷之三

選舉

十九

周 淮 海康縣主簿

何 鑑 饒州府照磨

李 岳

黃 鸞

黃 鶚 普安衛經歷

姚 聰

廖 升

朗 月

高 舉 太平縣主簿

騰 鳳

傅以倫

賈仲廉 安任縣丞

滕 鳳

黃天叙 河源縣主簿

高拱極 三水縣教諭

張 鶚

鄭國賓 雷州府照磨

朱維鑰 雲南白鹽井提舉副

宋 英 茂名縣丞

高 傑 角康縣主簿

熊 勳 遂溪縣丞

高尚志 武進縣丞

朗 雲 宣慰司經歷

譚 璣 南寧府同知

尹乘節 嵩州吏目

秦鳳儀 龍川縣知縣

陶 仁 嵩州吏目

覃宗賢

周 簞 浦城縣丞

蘓世望

馬德良

何文維 夷陵州吏目

秦繼周 四會縣訓導

吳希容 濮州判官

何期輔

高 擢 南海縣主簿

秦惟諭 南雄府經歷

黃象乾 涿州府學正

秦惟琴 吳江縣丞

曾貫 桂林府教授

黃雲鵬

高華 歸善縣訓導

高守縉 崖州訓導

高守紳 嵯縣丞

曾之鳳

何文資

陶自性

曾賢 慶連府教授

吳成性 龍川縣訓導

蔣承桂 河南涉縣知縣

吳民懷 太平府教授

朱之振 莆田縣訓導

蘓萬民 博白縣訓導

郝明臯 主簿

象州志

卷之三

選舉

二十

孟應第

孟鄒士

韋名臣

黃雲鷄

劉化淳

李縉

郝起蛟

吳試奇

浦文盛

吳思奇

史文達

高應斗

潘鴻惠

高光勳

朗文龍

曾之鸞

國朝

謝兆霖

陳起蛟

覃典

何宏烈

黃坤

姚友賢

蒙惟霖

覃旨

馮昌紳

譚三聘

梁元緯

湘陰縣丞

吳廷儒

何燦

蒼梧縣訓導

朱興讓

崑山縣丞

賈伋

曹天寵

何公授

上林縣教諭

區願聞

陽朔縣訓導

象州志

卷之三

選舉

二十一

何器

興安縣教諭

黃之銓

韋至德

鄭郊

藍映坤

朱之佩

吳振魁

吳大紳

何英才

梁士綸

秦澗

何英睿

鄭邦

曹啟宗

陳先績

廖昌籌

賈修竹

陳嘉謀

林友桂 平南縣訓導

曹秉銓

朱興詩 博白縣訓導

朱毓煒

陳寬

陳錫玉 賓州訓導

歐正士

林崇秀

韋國賓

邱震英

陳起龍

黃燦

覃思堯

黃煥宏

劉芳久

翁廷輝

朱毓烜

王宏章

象州志

卷之三

選舉

二十三

胡天錫

袁聖育

林景泰

蔣增晏

汪宏

韋廷任

呂惠

賈麟元

象州志

軍政

天生五材誰能去兵兵不可佳而武亦不可廢
在邊徼皆宜預為之備焉州當柳郡下游扼藤峽
要隘長洞大橈諸徭羅列東偏非設兵以戒不虞
何以重藩籬之寄我

朝海宇澄清中外一統戢弓橐矢以示勿用然守城
哨汛蒐閱訓練未嘗懈弛也即此叢爾方州亦必
分撥提兵戍守以固邊圉斯誠先事綢繆之意也

象州志

卷之三

軍政

二十三

夫志軍政

自晉迄南朝刺史任重者為使持節都督輕者為
持節而蒼梧桂林分屬湖廣其刺史皆加平越中
郎將及平南將軍等號刺史無將軍號者謂之
車刺史諸軍府之名曰任威府揚烈府門綏寧府
之類置兵曹及中兵外兵騎兵叅軍行軍司馬及
督護以統之雖沿漢魏置縣尉惟理民事不掌兵
隋制諸府兵有郎將副將坊主團主以相統治平
陳後設嶺南安撫大使桂廣二州俱設總管節制

諸州軍事復有行軍總管則專督所道討伐事唐
初兵之戍邊者大曰軍小曰守捉曰城鎮而總之
曰道懿宗咸通二年割桂管龔象二州隸邕管四
年廢容管隸嶺南西道復以龔象二州隸桂管宋
皇祐二年儂智高反戍兵聽還土兵代戍以融柳
象兵改屬宜州路統轄崇寧四年十一月廣西路
置牌刀手三千人於切要州軍更戍以寧海名明
洪武三年設南寧柳火二衛立民兵萬戶簡民間
武勇教之技擊編伍時加操練有事用征伐無事

象州志

卷之三

軍政

二四

為民

兵官

明設守禦千戶官一員

國朝撥提標後營分防象州城守官一員或千總或
把總奉文兩年一換昌化里大樂塘昆連徭山隘
口初設把總駐劄彈壓今委管隊帶兵守禦

兵制

明設鎮軍一百八十七名守城名款六十五名守
各堡兵一百三十三名

國朝撥提標後營守防官一員兵丁一百二十八名
防守城池及分防狼村都落青山寺村督金大樂

六汛

民壯

額設二十八名乾隆二十年知州蔣日萊損俸置

大纛小旗號衣器械俱全

堡兵

明季設堡兵一百三十三名有堡出以資養贍迨

後武備廢弛將驕卒惰有名無實難供調遣我

象州志

卷之三

軍政

二十五

朝定鼎之初守城防汛俱係官兵所有堡兵俱為冗

設盡行裁汰其堡田俱編入地丁民稱便益

象州志

名宦

國家親民之官莫如牧令賢則戴為父母否則嫉為仇讐口碑所傳甚可畏也象自宋迄明涖茲土者德澤被於當時名聲施於後世載在簡冊頗不乏人我

朝整飭官方綜覈名實百里之寄簡任匪輕固宜循良接踵後先輝映矣乃求其奉揚仁風慰彼黎庶者祇此一二人垂光於志乘他無聞焉後之司牧

象州志

卷之三

名宦

二十六

者按籍而稽當亦少知自勵也已志名宦

唐

韋挺貞觀間以忠直守象郡善政顯著民稱愛育

宋

曹利用字^用之趙州寧晉人人累官忠州刺史景德四年知宜州劉永規馭下殘酷軍校陳進乘象怨殺永規叛陷柳城縣圍象州嶺南騷動上以利用曉方畧盡心於事授利用為廣南安撫使利用辟監涪陽酒稅孫繼鄴與俱南遇賊武仙賊持健鏢

蒙采盾衣甲堅利鋒鏑不能入利用使士持巨斧破盾遂敗賊引兵趨象復破之州大烏嶺斬陳進撫安其黨嶺南平以功遷引進使官至尚書左僕射兼侍中武寧軍節度使

曹克明字堯卿雅州人景德中蠻寇邕州改供備庫副使知邕州左右江蠻峒二十六克明召其酋長諭以恩信是歲承天節相率來集克明尉拊出衣服遺之感泣而去獨如洪峒恃險不至克明諭兩江防遏使黃象盈引兵攻之斬其首領陸本前

象州志

卷之三

名宦

二十七

梟於市宜州澄海軍校陳進叛時鬱江暴漲州城崩摧克明率丁夫伐木為連舫維之水涯狀如郭郭又多張旗幟浮巨械陳兵其上為守禦備募谿峒兵三千而黃象盈亦濟兵千五百將趣象州會安撫使曹利用約克明會兵行次貴州遇賊大敗之斬首四百餘級賊平代還會撫水蠻叛徒宜融桂昭柳象邕欽廉白十州都巡檢使兼安撫使既至蠻酋進藥一器曰谿峒藥藥箭中人以是解之可不死克明日何以試之曰請試以雞犬克明日

當試以人乃取藥箭刺首股而飲其藥即死羣蠻
慙懼而去時克明屢有戰功朝廷意在招附克明
乃至撫水州與知州林承貴等約盟而還未幾知
林州又遷西上閭門使歷知登舒邵三州
俞獻卿字諫臣歙人為昭州軍事推官會宜州陳
進亂象州守不任事轉運使檄獻卿往佐之及至
守議棄城獻卿曰臨難苟免可乎賊至當力戰不
勝有死而已奈何棄去初昭州積緡錢鉅萬獻卿
盡用平糴至積穀數萬及是大兵至賴以餽軍

象州志

卷之三

名宦

二十八

馮伸已字齊賢始官桂州兵馬都監俞獻可薦知
宜州天聖中改桂宜融柳象沿邊兵馬都監復知
宜州代還道改知邕州未幾改知桂州兼廣西鈐
轄道江陵會安化蠻犯邊官軍不利仁宗遣中人
趣伸已討之伸已日夜疾馳至宜州繕器甲募丁
壯轉糧餉由三路以進伸已臨軍單騎出陣語酋
豪曰朝廷撫汝甚厚汝乃自取滅亡耶今我奉天
子命來汝聽吾言則生不則無唯類矣衆仰泣羅
拜明日蠻渠棄兵械率衆降軍門初部卒以覆將

畏匿伸已曰紀律不明主將之過也戰士何罪請於朝貸其死以勞遷西土閣門使知宜州樂善蠻寇武陽伸已遣諭禍福蠻大悅悉還所掠又莫世堪負險強黠抄掠邊戶為疆場患伸已設伏擒捕皆置於法遷果州團練使

唐俊又興安人博通經史紹興間進士廷對以直言被黜尋起容州倅移守昭州政成入奏除知象州尋知廉州未赴攝鬱林郡克賊謝實犯鄰境俊又躬率吏民禦之賊遁去秩滿遂請老凡經三郡

象州志

卷之三

名宦

二十九

家無贏蓄張栻帥桂時聞其居迫火急遣軍救之頃刻還白曰唐大夫家止有文書衣食數篋已他徙矣栻深嘆其請約

汪松字茂叔三衢人開禧元年知象州以廉靜稱任滿當更民懇留詔從之民慮其終去乃刻木像以祀之

石安民字惠叔臨桂人少穎銳不凡登紹興乙丑進士為象州判官累決冤獄以明恕稱分教廉藤二州士知嚮慕有興起者喜為詩同輩評其奇麗

雄深云已復歸之平淡有文集晚知吉陽未赴而
卒安民早從路允迪沈晦胡寅遊尤受知於張浚
及汪應辰其後張孝祥帥桂禮遇更異署榜其堂
曰瑞文二弟安行安持皆能文人號曰三石
陳太和字德容蒲田人紹興中知象州虛心聽訟
使皆盡其情民大悅築石橋以便往來涖政三年
奏績居最

陳大紀字正之永嘉人嘉泰間知象州徙知橫州
秩滿適妖賊侯廣李監六作亂鬱林桂州並為賊

區大紀奉檄即行節制飛虎摧鋒兩軍號令威嚴
親冒矢石與士卒同甘苦開誠諭賊散其黨與擒
其渠魁訖事僅五月以功轉兩官
元

烏古孫澤字潤雨臨潢人至元二十九年為廣西
兩江道宣慰副使僉都元帥府事兩江荒遠與百
夸接不知禮法澤作司規三十有二章以漸為教
其民至今遵守之又省廩置二十二所以紓民力
歲饑請蠲租發象州賀州官粟三千五百石以賑

既發乃上其事全活甚衆

明

楊璟合肥人洪武元年率左丞周德興叅政張彬將武昌諸軍取廣西克永州而征南將軍廖永忠叅軍朱亮祖自廣東取梧州定潯貴鬱林以兵來會進攻靜江不下璟謂諸將曰彼所恃西壕水耳若決其隄岸破之必矣乃遣指揮邱廣攻插口關殺守隄兵因盡決壕水築土隄五道傳城城中猶固守急攻二月克之執平章乜兒吉尼復移師徇

象州志

卷之三

名宦

三十一

柳降其兩江土官黃英衍岑伯顏等而永忠亦定南寧至象州降元平章阿思蘭先是阿思蘭敗於全州率其餘將退保象州勢窮乃降廣西悉平璟封營陽侯永忠封德慶侯

韓雍字永熙長州人正統進士授御史天順四年右僉都御史巡撫宣大進兵部右侍郎成化三年以事出為浙江叅政會兩廣賊寇大作兵部尚書薦雍才氣無雙平賊非雍不可乃授雍左僉都御史贊理軍務雍率師遂倍道馳全州適陽崗苗掠

興安即擊破之次桂林斬失機指揮李英等四人
以狗乃率兵先破修仁荔浦亦定十月至潯州長
驅抵峽口令總官兵歐信等為五哨自象州武宣
攻其北身與都督趙輔指揮白金等為八哨自桂
平平南攻其南叅將孫震等二軍從水路入而別
遣裨將分兵守諸隘口賊魁侯大狗等大懼先移
其貲重於桂州橫石塘而立柵山南多置滾木礮
石鏢鎗藥弩拒官軍十二月朔雍等督諸軍水陸
齊進擁團牌登山鏖戰連破石門林崗沙田右營

諸巢焚其室廬積聚賊皆奔潰伐木開道直抵橫
石塘及九層樓諸山賊復列柵數重憑高以拒雍
等誘賊發矢石度且盡躬督諸軍緣木攀藤而上
別遣壯士從間道直上山頂舉礮賊不能支遂大
敗先後破賊三百二十四若生擒賊首侯大狗及
其黨七百餘人斬首三十餘級峽有大藤如虹橫
亘兩崖間雍斧斷之改名斷藤峽勒石紀功而還
分兵擊餘黨鬱林陽江洛容博白次第皆定帝大
喜賜勅獎勞陞左副都御史總督兩廣軍務奏增

巡撫都御史二員分涖兩廣未幾雍以父喪去言者謂兩廣利害相關不可離析乞仍命大臣總督便乃罷二巡撫而起復雍右都御史總督如故歐磐滁州人襲世職指揮使成化中總督朱英薦充廣西右叅將分守柳州慶遠與左叅將馬義討融縣人峇徯克之師旋於賊復出掠磐募死士夜入賊巢斬渠魁胡公返二十三年鬱林陸州賊黃公定胡公明等猖獗磐偕按察使陶魯等分五道攻破之宏治八年府江永安諸獍亂磐自象州修

仁直搗六峒所向摧破復偕諸軍連破寨百八十斬首六千有奇十五年命佩征蠻將軍印鎮守湖廣磐為將廉能得士久鎮南邦蠻人畏服十八年請老尋卒祭葬如制

胡高江西安福人成化間知象州恤民愛士建州治修學校時賊渠法慶梗亂單騎諭以禍福懼服就撫不敢動境賴以安

陸敷錫字得承嘉善人嘉靖中判柳州署象州事象有安仁土舍何公思等聲言花蘆古陳諸賊稔

亂殃民願效死力為朝廷除害其實陰肆殺掠洛田陸弄間良民率被魚肉乃各聚眾相攻殺數錫請往諭之至則獨坐公思開覺罪餘黨悉解去象州以平又王守仁所復斷藤八寨多為逋逃數數錫相度要害上當道移置衛所凡十九由是盜賊失據尋以將母乞歸

林益福建莆田人嘉靖間進士知象州端方公怒愛民下士諸生來質疑者輒為之講解經旨多賴發明州城昔隨修隨圮公請於軍門得助金用甃

象州志

卷之三

名宦

三十四

甃之至今賴焉

李維岳福建海澄人舉人萬歷十三年知象州興修學宮建養濟院造山川社稷壇添設堡汛為民弭盜修橋梁築隄壩禁諸小舟不得攜兵必入修雒與溪蠻交易惠政多端象人至今思之

孟宗文原籍山東武定州人襲祖象州所千戶萬歷間征古田懷遠雒容羅旁十寨以軍功由柳州衛指揮陞廣東總兵

曾以誠字惟豫蒼梧人性嚴毅讀書博涉講業不

倦萬歷歲薦授平樂府訓導以造就人才為任選諸生英俊者闢別館處之分俸資其膏火程士先德行後文藝講業課文寒暑不輟偶一生素無學行歲試俸列優等自督學竟不准餼以是人知砥礪五年遷象州學正造士一如平樂如袁鳴泰歐國雋皆誠所首拔士後登堂致祭其感人如此梁方圖懷集人年十六而孤廬墓三年哀毀骨立崇正間以明經歷象左二州教諭轉平樂教諭課士嚴肅提命不倦督學黃景明嘉獎之曰吾道在

象州志

卷之三

名宦

三十五

子矣粵俗感於堪輿親喪累數十年不舉方圖力白上官刻期督葬一時營葬者以萬計人初怨之已而兵亂所在焚燬乃始頌德焉又嘗兼攝太平學篆俗尚火葬禁之不可乃刊家禮四訓約要以勸諭舊俗遂化著有五經要旨忠孝廉節等傳卒年八十四

國朝

張天訓湖廣漢陽人貢生康熙四十六年任凜功令秉至誠崇儒重道修建學宮士民德之

三卷終

象州志卷之四

遷謫 附流寓 仙釋

州隸西粵南服即古陽壽縣地雖與中上風氣稍殊然較之潮陽儋耳諸郡蠻烟瘴雨密菁深林迥乎別矣特以僻處天末間為孤臣放逐量移之鄉及騷客流覽嘯歌之地耳夫人不因地以著而地必賴人以傳古今來奇杰有意之徒或遭疑謗而貶或託佛老而逃其一時流寓所經往往山川從而生色父老借為美談者何可勝道以是嘆地之

象州志

卷之四

遷謫

靈總在乎人之傑也志

唐

薛仁貴絳州龍門人以破高麗功拜大將軍封平陽郡公咸亨元年征吐蕃敗績原死除名未幾高麗餘衆叛起為雞林道總管坐事貶象州會赦還帝思其功召見曰疇歲萬年宮微卿我且為魚前日殄九姓破高麗爾功居多於是拜代州都督柳奭字子邵蒲州人貞觀中屢遷中書舍人外孫為皇后進中書舍人廢貶象州刺史坐通宮掖謀

行鴆毒被殺期以上並流嶺表神龍初復官爵開元中柳渙為中書舍人上言臣從伯祖奭與褚遂良等同被譴戮雖復原雪而子孫殆盡惟曾孫無忝客籍龔州願許伯祖歸葬孤孫北遷於是詔無忝護奭柩歸官給喪事後無忝官至潭州都督

宋

張庭堅字才叔廣安軍人為右正言薦司馬光呂公著蘇軾蘇轍可用曾布駁之因出陳州初蔡京守蜀庭堅在幕府與相好及京還朝欲引為用先

象州志

卷之四

遷謫

二

令鄉人諭意庭堅不肯往京銜之遂列諸黨籍又坐嘗談瑤華非辜事編管虢州再徙象州久之復故官

范正平字子夷宰相范純仁之子也為開封尉以事獲罪蔡京及京當國言正平矯撰父遺表又謂李之儀述純仁行狀妄載中使蔡克明傳二聖虛佇之意逮送御史府不勝捶楚賴克明辯釋正平羈管象州之儀羈管太平州

龔夬字彥和瀛州人登進士為御史時章惇蔡卞

用事夬極論其惡請正典刑又論蔡京上誣宣仁
歸咎先帝願正奸臣之罪於是三人皆去又上疏
乞正元祐后冊位號崇寧初元祐后冊再廢言者
論夬首尾建言詔削籍編管房州繼徙象州
高穎紹興中叅福建安撫使坐從岳飛謫象州固
窮守節剛直之性始終不渝

孫覲字仲益晉陵人舉進士文章不為俗態靖康
中為執法改詞臣旋由瑣闥歷吏戶長貳知秀州
温州臨安諸郡其章疏制誥表奏明辨駿發每一

象州志

卷之四

遷謫

三

篇出世爭傳誦紹興間謫象州久之放歸寓桂喜
其山水作十詠劉彥適陳堯董棻趙子巖與覲同
遊曾公巖嘗自稱初遼道人

胡夢昱字季昭吉水人大理評事星隕之變言今
日禍機有五時輩推其謬諤濟王禍出倉卒議奪
王爵夢昱憤甚援晉太子申生漢戾太子及秦王
廷美事為證又遺書史彌遠反覆責備彌遠大怒
御史李知孝迎合風旨劾夢昱黨逆削籍羈管象
州過桂林桂林帥錢宏祖欲害之未及施而宏祖

暴亡後夢昱以疾卒於象象人每過其處輒拊曰
忠直之居

流寓

宋

韋厥上林人武德間持節壓服生蠻開拓化外功
業卓越一時詔領澄州刺史後隱於象州智誠洞

宋

王安中字履道陽曲人進士及第政和中箋賀瑞
應徽宗稱為奇才為御史論蔡京欺君害民上為

象州志

卷之四

流寓

四

悚然及授知燕山府以遼降將郭藥師同知府事
安中不能制張毅據平州附金後叛金來奔金索
之急安中不得已縊殺之函其守送金藥師懼遂
叛命言官論之安置象州尋放自便卒

仙釋

甘陸象州古車村人有志畧時柳州為南漢所據
詔陸出征每以術得捷拜護國將軍及歸里決禍
福處先知如神州人立廟祀之

甘佃陸之姪也家富好施貧而告者未嘗少吝性

靈異決禍福無不奇中一日聚鄰里告曰吾歷世
矣示象以修身事言訖瞑目而逝鄉人設廟像祀
之後封惠濟感應侯元和加封惠濟顯應聖公明
加封王號

于道士象州人宋乾德間隱西山巖修道白日飛
昇

獨傲仙女象州馮六村人宋乾德間傲氏與嫂獨
孤氏赴天蓋山採葛飲泉見雙鯉戲水取之墮泉
中獨孤氏救之亦墮經月餘乃於空中呼父母曰

象州志

卷之四

仙釋

五

吾仙女也有過謫人間數滿當還象人因名其山
曰獨傲山

象州志

人物 附孝行 儒林 貞節

山川清淑之氣代有所鍾不因遐裔而限昔人論
列土地人物貞廉磊砢各從其類非謬言也象屬
柳郡下游於山見天蓋聖塘諸峯之蔚然而秀於
水見大樟白丈之決然而深其孕毓靈竒若前代
謝鄧傳呂數君子理學文章膾炙人口至如折衝
禦侮任干城之寄飲冰茹蘖發壺德之光者又指
不勝屈可謂盛矣方今

象州志

卷之四

人物

六

聖教昌明文治之隆卓越千古士生其間豈徒以弋獲
榮名為茲邑增光哉意必有含淳味道涵泳聖涯
非僅樹一州之望將以垂百世之型者是則官斯
土者之所厚望也夫志人物

宋

謝洪安仁鄉人宣和三年與弟澤同登何渙榜進
士初任南海尉改知賀州有政聲博學能文雅遊
縉紳間以氣節自負南遷之客多館於其家鄉評
咸推重焉

謝澤洪之弟與兄同榜號謝家二鳳初任昭州轉
知南^平州事政聲遠播治內肅清歷陞容管
明

傳敬永樂戊戌進士善屬文任監察御史彈劾中
貴風采凜然以直見忤遂引疾歸杜門不出人不
敢干以私

秦進字廷玉正統戊午舉人幼孤服母教性嗜學
不事嬉遊初為瑞州推官訊獄明允請託不行人
咸憚之歷高肇二府通判嘗因搖寇諸益軍儲盡

象州志

卷之四

人物

七

革宿弊不畏權貴以疾卒訓二子銳欽相繼登鄉
薦

秦顯字孔昭景泰間以歲貢為南平丞時閩寇鄧
茂七作亂顯率兵破賊城賴以全而身冒鋒鏑幾
斃流矢遂棄職歸食貧居淡不干有司日持釣竿
坐河濱得小魚數尾沽酒自樂人稱為釣叟

楊護成化間任臨高知縣承累任苛虐之後政尚
寬簡然能明燭下情民以訟至先得其誠偽善惡
審無大害者論歸自思民感其言中止者多閱數

年民安訟簡以謗累去職新任梁儉來代之日百姓如戀慈母贖者絡繹護堅拒之不去梁曰此無所為而為者吾當一屈楊君以慰吾民乃置一帙於門下命贖者書名須臾帙滿持以示楊勸納所贖已而行就車老稚追送三十里梁嘆服做其政而行

朗清字溫泉成化間舉鄉試除教授遷南京都察院司務轉工部司務因劾逆瑾被遣後奉勅命褒獎歷任兩京著績清勤州城大街下有司憲坊

象州志

卷之四

人物

八

孟宗文原籍山東武定州人襲祖象州所千戶占籍象州見名宦州城大街有鎮州坊墓在鳳凰山華表翁仲尚存

孝行

鄧敏洪武丁卯舉人鄉任禮部儀制司主事早歲喪父事母陳至孝母忽患篤疾號泣顛天願以身代母疾隨愈後居喪哀毀逾禮廬墓三年足迹不入城府有司顏其堂曰思本

儒林

呂景蒙字希正舉宏治甲子孝廉歷官監察御史
巡上江作操江行義奏聞蒙著為令又劾蕪湖抽
分奸弊謫潁州判官轉汲縣知縣後陞福州府通
判遷南京大理寺評事俱不就從遊湛泉泉之門
倡明理學其所論說粹然一出於正總制張淨峯
為立理學名儒坊以旌之坊在州城南門外後淨
峯督師過象造其廬接談終日不倦所著有定性
發蒙象郡學的三十卷柳州府志十六卷以壽終
墓在城南

象州志

卷之四

孝行

儒林

九

貞節

國朝

吳氏州人歐耀臣妻年二十七夫以疾卒氏守節
完貞教子砥行克守先業乾隆二年題旌坊在西
門外

王氏州人孟名世妻二十二年夫歿遺孤尚幼氏
痛失所天恩勤鬻子勉以守成家聲復振乾隆三
年題旌坊在安中里

唐氏州氏世貞長女年十九適江演潮為妻歸十

載無所出勸夫置妾夫以家道蕭條不允所請氏
遂脫簪珥求於韋氏女及妾歸待以恩禮不二年
妾舉一子名尚松方週歲夫演潮卒又二年妾亦
卒演潮遺氏僅有租數百斛氏勤紡績以資衣食
雖至戚亦絕往來撫松成立乾隆七年閩州士民
呈其事於署州牧張坊表其閭曰惠嗣存孝尋張
牧去任未及詳請旌表後氏八十四歲卒

象州志

諸蠻

柳居粵右之中四百皆山大江環之而象適當下
游連藤峽接修平凡層巒複嶂密莽深箐尤為徭
獞淵藪其類錯雜其語侏儻其服爛斑性外駭而
內黠自唐至明判服靡常未易幾而理也我朝
列聖相承揆文奪武恩威並濟卉衣馭舌之俗漸為
衣冠文物之盛庶幾革面洗心矣然外示控馭內
寓撫綏又在良有司之審度機宜而不可忽者也

象州志

卷之四

諸蠻

十一

志諸蠻

徭

徭人古八蠻種椎髻跣足衣斑布褐采竹木為屋
繩樞華竇覆以菁茅種植外獵山獸續食負戴着
背繩繫額履險如飛兒始生稱之以鐵如其重漬
毒水中兒長煨鐵製刀試刀必刃牛項下以肩負
刀一員即殊者良刀也弩名偏架以一足蹶張背
手傳矢往往命中鎗名棹鎗長二丈尤以弩為長
技戰則執鎗人前卻不常以衛弩執弩人口銜刀

手射或冒刃逼之釋弩取口中刀奮擊退去必有
伏弩歲首祭先雜操魚肉酒飯於木槽扣槽群號
為禮十月朔男女成列連袂相舞祭都貝大王謂
之踏傜樂有鏡鼓有胡盧笙竹笛衆音競作擊竹
筩為節性喜標掠事已即遁生傜不與華通熟傜
或通婚姻又有白傜黑傜大良傜大良有戶口版
籍其俗厚人不問識否至其家輒具牲醴任大嚼
劇飲後被撞殺占逃散城廂村落傭耕採樵為食
撞

撞人元時來自湖北或云粵右土著先時就撫籍
其戶口以充徭役曰傜其頑民好攻擊撞突曰撞
撞俗與傜畧同而尤剽悍男女富者用銀大圈加
頸男衣短窄裂布束脛女衣不掩膝長裙細褶綴
五色絨於襟袂裙幅間善涉水攝裙幅視水淺深
以次收展男女齒等以衣帶相贈遺名曰結同年
既嫁不復相聞相呼以各所生男女小名呼其父
母茅屋板樓樓自棲止下頓牛畜曰蔴欄失牛追
躡牛跡所至村落即貴村之甲老代緝甲老跡至

一村責亦如之迭更數村不可尋則曰匿此所矣
返報失牛家糾象往諫令賠償乃已席地而炊搏
飯掬水盛夏露處冬圍爐達旦無床衾宴客以肉
盛木具或竹箕均人數分置餘各携去分肉不均
銜之終身要約必酒肉或屠狗雞行劫鬪狠皆如
約官司覺治先出重金購知其亡處曰買線好掠
縛人入山谷剝大木中鑿為竅納一足械之索資
聽贖伏草射人攻剽村落其天性也善雞卜雞匠
取兩雞骨兩背端執稱祝左骨曰儂儂者我也右

象州志

卷之四

諸蠻

十三

骨曰人人者事也插於小竹筵斜直偏正任其自
然以定吉凶一語不相能輒鬪或傷其一男子讎
只二姓女子則婦之父母伯叔兄弟皆與讎怨借
人助殺曰洗面與其婦通以牛酒謝曰洗粧亦有
生熟二種

山子

山子無版籍轉徙無定穴居野處編茅以庇風雨
男女黎黑徒跣斫山種畬或治陶瓠田不糞不火
耕耕一二年視地力盡輒徙去去則火之免地使

饒疊石為計一二年乃復來謂之打寮每以木皮
絆額繫筐偃俚而趨甲與乙有隙兩相鬪敵背牌
護身遠以標鎗鎗盡挺刀而前謂之對刀一名山
子搖一名過山搖

蛋

蛋人涉海而居或浮家江濱世世以舟為宅貧者
架竹為簾無土著不事耕織惟捕魚供食或編蓬
水滸其種有三取魚曰魚蛋取蠔曰蠔蛋取材者
曰木蛋能辨水色知龍居故蛋人神宮畫蛇以祭

象州志

卷之四

諸蠻

十四

云龍種籍稱龍戶莫登庸其種也

右列諸蠻四條皆就象地所有叅節通志存之
其餘種類尚多非邑所屬概不登錄象之四境
修平武來馬雒諸邑接壤各有徭獠故州之各
鄉多其種類男女徒跣截竹筒而炊待雨而耕
每歲十月屠牛置酒召同類以降神醉則舞刀
劍為戲睚眦結怨報復不已其天性也今雖漸
化舊俗然其性愚頑漢奸之禁不可不嚴加防
範也

象州志

記序附說

文以載道尤以明道昔賢所謂金玉三墳琴第五
典是也若夫記序特藝文中之一類耳象雖僻處
天末鴻儒碩生蓄道德而能文章者歷代正不乏
人惜碑殘史闕無田覩其大全也茲特於散亡剝
落之餘收錄一二以見糟粕煨燼未始非道之所
寓云志藝文

重建學宮記

明郭棐

昔周武燮伐清明厥功為百王冠詩人美其繇於
建學故其詞曰鎬京辟雍自西自東自南自北無
思不服魯人美僖公之樂泮水故其詞曰既作泮
宮淮夷攸服又曰矯矯虎臣在泮獻馘何津津乎
其言之雋永哉夫固嚮從於武孟津之會八百餘
國而淮夷憬然順魯之化必有使之然者詩人皆
歸於建學之功則學校有關於武事不小矣我祖
宗開基以來銳情於學成宏嘉隆之際赫然基盛

象州志

卷之四

記序

十六

今上登極首詔督學憲臣嚴飭教養賓興之法於
是天下有司咸知以興學育才為急務迺象郡僻
在西徼先是學宮鞠為花圃明倫堂僅覆以苫啟
聖無詞博士無舍青衿無肄習之所前牧者教者
咸恬然安之甲申春海澄李侯來知州事是秋予
巡歷其地釋奠於先師徧視學宮徘徊慨嘆亟語
侯以修葺之役侯已井然具有成畫於是蠲吉鳩
工初建啟聖祠明倫堂各三間學正訓導衙各一
所殿廡齋閣備加丹雘又於其前闢舊城為進賢

之門規制煥然大具經始於甲申之冬落成於乙酉之春遣博士甘應可弟子員唐賢吳成性來賓陽屬予為記先是予奉三院檄順剽泰山諸巢統統為地方防禦計未暇問毛錐也茲學宮鼎峙積焚蕩平適應其會而夷方攸同虎臣獻誠與周之辟雍魯之泮水若合符節乃知仲尼之道行於九夷忠信化於蠻貊問洵非虛語又知揆文奮武相為表裏而李侯興學宏化之功豈其微哉予樂觀厥成故不以弗文辭若夫砥礪問學豐其植以茂

其材而對天子之庭勉副今日修學之意是在諸生敬書以俟

重修學宮記

徐秋鶚

明興一統宇內尊師作人詔郡邑各建文廟殿祀先師孔子配四哲廡翼左右列聖門諸賢及儒先民泮池戟櫨如古儀而啟聖名宦鄉賢三祠錯居焉其旁為儒學學中為明倫堂東西若後為齋為署博士弟子員肄業燕習焉制也無中外遠近自非族類隨大小一如制雍雍彬彬名卿碩輔咸於學登進無他門比隆三代而上於此見皇明之化萬載一時仲尼之道萬古一日巍然煥然盛矣西

象州志

卷之四

記序


十八

粵僻處遐壤諸廟學僅僅備數二百年來郡城稍就葺治餘率因陋就簡非體貌象郡在柳稱瘠薄甚學宮卑狹草草就之初殿四楹名宦鄉賢一祠泮形而池壅學名而室闕其他傾圮漶漫若棘若蕪如崇聖育才何哉即欲憤發所為而勢碍於拓地財匱於官帑無可奈何之嘆非伊今矣郡侯李公甫蒞治慨焉銳志開初業欲告始而兵憲郭公行部至郡謁先師集諸生講習於庭下遂各捐貲共圖修舉恢拓規畫悉出侯指示六其楹兩其祠

壅者鑿闢者備圮者治漫者飾易木以石易庠為
闕齋舍門垣咸如制而加麗焉增敬一亭於殿右
以奉聖訓闢進賢門於學南以廣士路築層樓於
州北以壯形勝整滌祭器用虔厥祀凡六閱月而
迄事改觀易視赫然稱隆於世郡博文君甘君樂
逢其盛命弟子員尹先知吳登泰徵文以記之夫
儒者頌孔子尚矣曰仲尼之道與王化遠邇曰仲
尼以萬世為土皆惜於不得位而喜於廟祀然說
者謂天理民彝苟不能一日滅於天下則仲尼之

道在 一日廟祀固無絕續於聖道者夫事必有所
寄其心羹牆趨步若或見之如使瞻其宮牆奠菜
有儀登其堂序遊息有所廟學固所以寄其天理
民彝之至者與天下於人大矣郡國不得舉祀而
匹夫匹婦罔不尊天敬地則帝室無所庸祀乃南
北郊享天子親跪拜隆禮焉則郊天地廟孔子義
莫重於斯矣侯其知所重者耶象士文教頗遜於
昔其英俊奮發有時抑司風化者於造士未加之
意廟成侯傳諸弟子肄日習其中弦歌禮樂行且

與中州埒則斯舉也其斯郡人文振屬所自始宜
勒於石章於世世



重修學宮記

徐濬

本朝同倫同^文之化徧天下故自京師以達於海隅之支郡下邑莫不有學咸尊師孔子以宣暢王化者也按史記秦遣任囂平南越置桂林象郡據今之象郡非秦故之地而實則幅幘於桂林者是知其郡雖非秦置而入中國時則未始異云自漢歷唐以迄我明二百禩餘仁漸義靡道化涵煦中間穎秀瑰偉之士當有應期出以翊世運者獨桂產奮庸熙載代不乏人而毗主華國之美迄今尤

象州志

卷之四

記序

二十一

錚錚焉與鄒魯河洛之哲相後先此豈桂人之自爾哉蓋唐曲江公以文學導之使然也是以象郡之闢不殊於桂林而聲明文物之懿於彼少讓者寧非職此故哉萬歷十二年冬右江兵巡道憲伯番禺郭公以經武故蒞象謁先師廟進諸生於庭下胥誨之覩廟舊制卑陋學舍頽圯遂盡然動心與州太守李侯謀新之時公帑錢穀匱乏無可發者公首捐俸六十金命侯經營其事大成殿四楹拓為六楹楹前為庭庭東西列兩廡闔以戟門又

前方數武乃櫺星門門外滙為泮池視舊蓋大改
觀矣殿之左則建明倫堂廟舍凡門臺馳道循次
而它具焉啟聖祠專設於殿之背若名宦若鄉賢
齋宇相地而區分秩如也敬一亭以聖謨在焉特
剏建於殿之西進賢門以風氣關焉乃徙易於學
之南以至木甍瓦石塗茨繚垣慮無不周備無不
飾已工始於甲申之冬考於乙丑之春既樂而釋
奠於廟州之人曰自有郡以來蓋亦剏見也已侯
暨學師文君任選甘君任可以學之草剏於國初

象州志

卷之四

記序

二二

而煥美於今日不可以不識也命弟子員唐國賢
吳成性等屬於為文余惟史稱秦闢桂林象郡置
尉典之則桂林與象其內附中國之時同也沿漢
唐宋以迄於今其歷世又同也則風氣之闢人物
之產教化之洽宜無不同而此顧不桂若者豈直
所處之僻毋亦振飭作新之無人故教化阻而上
習未隆也夫象距桂林數百里其中編戶僅七八
里而外匝筒夷故吏茲上者勸勦於武備而修文
非所先也厥土之奮翼者非無其人然數尚些窳

而於孔子之道若冬葛而夏裘者亦多矣夫孔子之道非他由居處忠敬而達乎夷狄自忠信篤敬而行乎蠻貊內之可以淑善類外之可以屈羣醜者也惟上無以教之下又不知所以明之其道乃晦而弗克綏戢裔夷光顯人民無惑也由此以談則茲學之建其關係豈淺鮮哉是舉也公首之侯成之孔子之道賴以愈明而夷酋之屈服者蓋有自也使象之人士由此振迅以頡頏桂林則公之功德當與曲江埒矣而侯不亦并有榮哉公諱裴

象州志

卷之四

記序

二十三

番禺人壬戌進士侯諱維岳海澄人丁卯鄉進士

孟總戎妻賈夫人墓誌銘

朱燮元

都督峽山孟公之鎮東粵也時為余言生平提尺
劍芟夷羣醜身投霜露荆棘之中二十餘年無憂
內顧者豈一日而忘鷄鳴雄雉之助余唯唯及觀
為具召客脯脰醬酒之屬俱精其僮僕自類出指
使於前井然辨也益以知夫人內行矣屬壬寅歲
抄夫人忽一疾不起公過而泫然曰僕之不弔也
幼與居而老相背入則宵然若割吾形影之半安
能放若蒙莊計惟微惠一言以慰逝者余謝不敏

象州志

卷之四

記序

二十四

越明年公為請於朝荷卹典備大葬遂以甲辰秋
季遷輶歸將畢窀穸之役持狀堅請余惟夫人實
有懿行身相其夫并膺極貴而厥嗣更翩翩鵲起
皆足以不朽者何可無誌按夫人姓賈氏安仁縣
二賈仲濂女也少即寡嗜弄目無遊睇父為擇快
壻見公方與羣兒戲顧盼偉如嘆曰是駒也而汗
血異日追風逐日亡疑者遂以字公時公父封都
督公即世獨嫡莫夫人洎所自出鍾夫人莞然一
室慮無以朝夕則以夫人歸蓋甫七歲少於公兩

歲即婉孌及女紅得二娶懽又七年始正初稱家婦益自力椎布操作拮据靡倦二娶每善病顛天請代至躬浣濯廁無躁容公方少年喜結客以有主鑰不復問家人生產故得益肆力馳逞弋獵日夜并究黃石陰符諸說浸浸乎萬人敵矣弱冠用先是百夫長當就選公內念不能割夫人起勞曰行矣丈夫吸噓雷動叱咤山驚寧啞咿若兒女子為哉誰勒燕然而大山者因悉出簪珥佐公行朝夕奉姑倍謹迨二娶相繼逝涕泣佐公治葬

象州志

卷之四

記序

二十五

總總既於事而竣謂公曰爾身寧爾有耶曩祇以老母在不以時奮跡行間取封侯萬里業迺以純綉老耶公感其言髭鬚戰張凡提兵所至羅旁懷遠古田雒縣平樂等處數十餘戰斷首切腐厥功爛焉大司馬屢晉報可至以都督建大將軍旗鼓鎮茲東奧其世職則自百夫長陞都指揮僉事而夫人亦象服翟趨貴矣自公入粵也東溟晏然無後鯨鯢之波夫人顧不色喜謂此林林貔貅仰給縣官有事閭里積藏計口而餉何能捐其半菽而

腹果然寧徒以養驕習玩嚙昨市井自豪乎諸島
酋固耽耽不置萬一連舡艍諸不逞少年釐起豕
突胡以策之則益勸公懲腋削嚴簡練毋少暇逸
焉生平最節儉與家人語時時及共初食貧時所
御絕無搔頭步搖文綃輕縠之屬見有餘潤即勸
公推嚮併貧受待澤者人人沾矣其教二子尤慈
不慶嚴少不率唯呵無貸故長子沉勇酷似其父
從征黎播等處屢陷陣建奇功而次子又燁燁美
文詞并稱豪舉焉嗟乎深山大澤實產龍蛟既視

象州志

卷之四

記序

二十六

若夫又視若子斯其為夫人矣夫人生嘉靖癸卯
二月二十五日至萬曆壬寅十一月二十日卒於
正寢享年六十丈夫子二長鄒勳應襲三科武舉
以軍功先劄授鎮撫娶縣丞郝敏問之女次鄒偉
郡廩生娶教授吳元勳之女女一適庠生何所見
孫甲辰閏九月十八日葬於鳳山麓是為銘銘
曰靡不有伉而孰也登壇靡不有嗣而孰也兩賢
髻而歸者而仙弓之僵也以角而矢之激也以弦
鸞函白天皇澤方鮮吁嗟鳳隱兮鳳之阡

州舊誌序

徐濬

象故闕誌誌乃今郡太守閩海澄李侯所創構也
侯郡甫一載首飾學宮以興起人文為第一義次
建文昌閣以佐地脉禁運江小舡毋入西北鄉與
修荔諸首通甚盛心也事上敬則叛分司以待問
俗若外之奮武衛及泰山堡等處沛一國思則置
養濟院政之卓犖者殆已釐然舉矣其他庶績罔
不愆慎以故郡治二百餘稷稱綦修者今日也侯
暇謀日凡國之有政以宣德也以惠民也然匪誌

象州志

卷之四

記序

二十七

則政靡載而民惠弗永也故誌者自古重之非獨
今日然也且夫政者賢者為之而不肖議之知者
慮之而愚者眩之修潔之士以規以觀而異論之
夫誹且惡之甚者去其籍乃已故載之世世上矣
載之一二世次也止於目前斯下矣是誌所以措
政於不世者也其可以緩乎爰命博士甘君即府
誌中掇郡御史呂公所存草為一帙總列四卷析
類三十有八復裒集耳目之所覩記者益之侯以
公餘節加筆削而挈其要歸稿成持以示余後仍

遜其事而不屬諸梓余曰郡誌之不可無也况欠缺乎業成矣而可晦焉不傳乎嘗謂倉頡之書書之擅技者也而不傳則今之以治以察者惑矣造父之車車之盡制者也而不傳則今之以飾以辨者昧矣周孔之仁義禮樂說之盡道而不布之方冊則今之談治者悵悵然矣政弗誌非也成弗傳尤非也夫今者後之鏡是故後之賢而思治者以考阨塞則於山川形勢可覽^也以稽國課則於田土賦役可按也以溯政績則於秩官名宦可第也

象州志

卷之四

記序

二十八

以稽經畧則於兵防成堡可索也觀人文之隆替於其飭學政者凝神焉慨風俗之美惡於其崇教化者畢慮焉凡以求宣上德編氓有所注指規畫咸成憲乎今之所載而不啖齏焉則是侯之錫類後賢後民不厚以述耶便俟匿其瑜晦其詮而不以傳之世世則今之政雖善音響也澤雖流旦夕也豈先民立德不朽之意哉故願侯之亟圖之也余不文然樂觀誌成敢僭言以弁其端

重修元妙觀記

廖起潛

象城南百步外有觀曰元妙按郡誌舊名景福至
大中祥符間改曰天慶元真元年改今額以奉聖
祖歲時長史率僚屬朝謁凡迎春賓興諸大典咸
集於此亦一方之勝地也余自入境後聞而造焉
入門升階但見堂宇傾頽廊廡敝壞羣其像貌塵
垢烟集多為風雨所剝蝕感慨係之因循視古碑
乃知國朝洪武十三年道士黃志廣募緣重修成
化十年舍人尹武輩又從而新之迨至宏治五年

象州志

卷之四

記序

二十九

州吏目馮瑄所百戶楊森暨城廂官民士女各捐
貲補葺歷今已若干年矣興廢舉墜之功將誰屬
乎乃昔鄉官馬西坡偕何生謨張生九叙高生悠
遠陶生成傑姚生化中何生訓郝生敏問周生之
岐何生所師等不忍其剝削巔仆為之請疏於予
以便羣緣之樂助適契予隱而未發之意遂秉筆
以書厥工告備用垂永久云

重修學宮記

朝謝象超

古之圖治者先欲教必視學之舉焉示教之有本也象學建自唐大歷十二年其初規模狹隘至以萬歷時郡侯維岳李公增其式廓始巍然改觀第歷年久遠風雨飄搖幾至傾圮丁亥冬漢陽誠齋張侯蒞斯郡暮月間利興弊革百廢具舉一日進予輩與紳士謂得方今

聖天子崇儒重道勅修文廟舉凡鄉學國學無不煥然州雖僻處邊陲然擬魏科拾金紫者代不乏人奈


象州志

卷之四

記序

三十

何坐視廟貌之將頽使先師神位日朘月削於寒烟蔓草中乎爰即捐俸以倡諸紳士賈級何燦賈朝玠李允治等皆體侯意庀木於山鳩工於衆經營尺度闕一載而成翼如秩如孔曼且碩以視碧瓦全傾榛莽充塞者何如耶侯於朔望釋奠顧而樂之謂予曰學之修也教之本也然修於身以達於世非諸生與子之責乎予聞命唯唯自今以後惟冀諸生遊其門履其闕砥節礪行績學能文以無負我侯振興鼓舞之意云爾輒不揣固陋為之



記

送郡牧張公天訓修學序

李燾

國家設官公職原以興行教化養育人才而教化之所由興與人才之所由養則不外乎崇文廟重師儒培植根本以為首善粵西地屬邊荒兼兵燹餘氛學校傾圮禮教蕩如者所在多有補葺修明之功其所賴於良有司者非淺鮮矣象州牧張君朝議鶴湄公之長君中憲禹木公之孫也夙忝同寅江西丁亥歲張君諱天訓者奉

簡命來蒞茲土目覩宮牆推頽之狀慨然圖新不借捐

象州志

卷之四

記序

三十三

俸以為紳士倡治工徭構土木躬親勞瘁歷歲餘而落成嗣乃享祀維虔講禮讀法於其內而多士向風蒸蒸蔚起遂使草昧山城忽漸變為禮樂文章之區夫乃嘆家學淵源者其為治自有本也比如之永安陳牧之設義塾廣陶成者其功蓋相伯仲云夫君與陳君咸楚產也生同地官同方興教化育人才無負

聖天子分士寄民之責者又無弗同其規為布置惟楚有材粵實賴之不可謂非斯他斯人之幸而二君

之黼黻

皇猷助宣文教他日立朝之大槩亦於此乎觀矣予明
晉秩宗愷愨就道未暇摭撫張君所為檄告屬境
然而鼓鐘作人之雅化其功足式而其事良可風
也用書誌盛以為官斯上者取效焉

象州志

卷之四

記序

三十三

重建義學記

陸 埭

塾之所以名義者何居義者宜也人生天地間大則綱常名教小則日用飲食莫不各有當然之理所謂行而宜之也義又利也學者本其所學作為文章發為事業所謂利用賓於王家也象州僻在龍城之南山縈水繞地秀脉奇欽鄉薦掇巍科代不乏人比年來寥寥無幾豈多士欲力於詩書而無其地無其人以朝夕聚業而觀摩之歟予奉命來牧斯土凡諸生謁見溫文爾雅洵為利用之才及

象州志

卷之四

記序

三十四

試童子藝情詞斐疊均有可造之資固思所以振興鼓舞之者踪前牧崑山徐公創學於城南隅今傾圮無存所遺舊址用詹清和朔二日捐俸首倡庀材鳩工前後各建三楹旁設左右翼非予一人之力也又賴同城學正蕭公禮讓訓導黃公德龍署吏目嚴翼署巡檢蔡多奇暨紳士共襄盛舉延請名師以待勸課俾得此邦之士羣相琢磨奮起雲路與前代諸君子後先輝映斯舉動適其宜攸往咸利於用庶無忝乎此塾命名之意也夫

重建義學記

孫嵩

粵籍學校之設所以興民行育人才也盛世之士何以文行優功名立其上之所藉為裁成陶淑者必有讀書談道之地宮牆壁木以及家塾黨庠由來尚矣我

皇上振興文教飭窮鄉僻壤名建義學訓迪生童是以海澨山陬莫不詩書禮樂人文蔚起超越乎古今休哉何治之隆歟余奉

命來守壽陽見城之南隅有陋室數椽傾欹不整詢之

象州志

卷之四

記序

三五

署吏目嚴名翼者知為昔日義學州牧徐公所創前任陸公方興修葺以調任未克完工因思象郡雖係邊方而山明水秀人物濟濟百年來

聖朝教育恩深遐邇向化衣冠之子咸欲砥節立名家修廷獻苟肄業無所將因循怠惰不能興起則職司造就者不惟負

朝廷抑且負多士茲數椽者所關甚鉅乃節養廉之項以終修葺之功又得嚴尉力任其事鳩工庀材落成不日公務之暇偕同城諸公往覩見前後三楹

左右兩翼雖甚樸素而苟完苟美可蔽風日較之前此之傾欹不整者大相懸絕矣由此延明師偕益友朝夕課誦砥礪琢磨將見諸生學業日進自可模範閭里棟樑廊廟顯榮祖宗而垂裕後昆則守斯土者仰體

國家養士之意實在此數椽之義學所關豈淺鮮哉而余更有慮焉創設者徐公繼事者陸公至今日始成盛舉崇不時為完補則今後風雨飄搖復成頽垣斷砌其可藉以裁成陶淑為士子讀書談道之

象州志

卷之四

記序

三十六

他俾皆優文行立功名乎是所望於後之長是邦者

重修城隍廟記

張琦

象州古壽陽地也緣州治之西有山焉每遇時和年豐輒有山雲飄颻從下升上其形似象故州因是以名而往來名卿學士則指為瘴雨蠻烟之地若毫末不足稱者余自庚寅補任於斯猶幸事簡民淳得歷考其山川形勢約畧紀之東行不數里有所謂東崗嶺者嶺上有庵原係明鼎甲王公讀書處也當夕陽西下庵內之日光不散萬竅玲瓏庵名寂照題咏猶存憑西而望又有砂如龍舌

象州志

卷之四

記序

三七

月出牛潭以及石落清音等處雖非勝景亦是奇觀至若玉屏天蓋山嵐疊翠樹影扶疎在在皆有生氣余不禁恍然曰斯殆地靈所鍾歟地之靈也民之福也而非有神力之助亦不克臻此也城郭人民廕庇惟神其與民最近而能護持夫民者莫若一境之城隍使其廟貌傾頽失所憑依又何以肅境內之觀瞻而示神威之赫奕哉爰集同城文武紳衿商所以修葺之以無貽民社羞言未竟均有同心遂各捐俸卜吉興工於是建兩廡設儀塑

諸神像復於殿後草創三間培山植樹招以僧人
庶香烟永賴接引無窮也至若文廟業經零星補
葺門徑稍可壯觀將思修整城池挽回地脉又值
調缺永康時難久持一切未完不無仰望於繼此
之牧茲土者謹勒碑銘聊志地靈人傑之一証云
爾

重修關帝廟記

蔣曰棻

象城南門

關帝廟僉稱爲雍正九年前知州事孫公所創建豈前乎此者竟未有所建立耶抑年久傾圮重建未遑都人士遂以目前之舉爲創始之役耶

國朝定鼎以來尊崇

聖德百有餘年春秋享祀儀典特隆追封五王禮制尤重象雖僻處荒陬假使向無棟宇以棲神靈雍正九年以前每歲恭行祀事何自而薦馨香如

象州志

卷之四

記序

三十九

係年久傾圮重建維艱孫公毅然起而捐建焉則前此廟宇創之者何年修之者何歲前後經理漂沒者多矣予故謂象志之不可以已而急急以從事也且天廟貌輝煌典禮攸關豈徒以飾觀瞻云爾哉任茲土者目覩廟宇之將傾而置若罔聞難躬奉祀事歲月無違陳犧牲於破屋巖牆之下明明在上

神其享之乎且曷以昭

盛世崇祀之隆竭精誠而光俎豆也歲甲戌予奉檄來

牧茲土仰瞻

聖殿朽壞已極周歷牆垣傾塌尤甚計孫公捐建之年
僅三十載上漏下濕東倒西欹已至於此不急修
葺傾覆立見爰捐清囊冗材鳩工拆除朽壞詹吉
重建大殿三間東廊房三間西廊房一間

五王殿一座三間又修整頭門一座經始於乾隆乙亥
孟冬落成於丙子春仲計五閱月而工以竣棟宇
維新周垣鞏固時值春祭之期敬率同城恪恭致
祀禮成羣公相與語曰今茲工竣庶幾永無傾圮

象州志

卷之四

記序

四十

之患乎予曰物無不敝者勢也可使不致終敝者
賴有人事存焉倘今日新之繼此不復以時修之
風雨飄搖一轉瞬間已潰敗不可收拾矣孫公之
建之也曾幾何時夫豈料僅三十年傾壞一至於
斯乎積歲修理與拆造重建費之多寡事之難易
不待智者而後知也及時補葺歷久常新予安能
不拳拳致望於後之君子歟是為記

新建象州義學記

李宏滑

三代之隆家有塾黨有庠術有序國有學俾民之
秀者朝夕講肄其中將相以考道而成業焉蓋牖
迪之方莫善於親師工於居肆則遷於異物而業
不精君子不學則奪於外誘而志不篤是故人無
論智愚地無廣狹皆當有以陶冶而輔翼之書
院肇自漢文翁晉虞溥踵而行之唐元和李寬則
建石鼓書院宋太平興國二年知江州周述言廬
山白鹿洞學徒常數千人乞賜九經肄習真宗大
中祥符二年詔賜應天書院額八年并賜潭州嶽
麓書院額若夫州縣建立義學蓋亦倣摹書院之
遺意而變通之者其生徒不必皆大成凡以期於
檢束其身心而充廣其聞見迨乎漸摩既久遂各
彬彬乎臻一道同風之盛其所造就定遠減書院
之人材也哉余守象之明年度地為宮以處鄉之
願來學者又慮膏火之乏貲也捐俸為置田若干
畝歲取籽粒而給之於戲吾徒獲生堯舜之代目
不見兵革耳不聞追呼出負耒而入橫經何其幸

與人皆可以為堯舜秉彝物則之好靡弗從同慎
毋愒日玩時以負今日建學殷殷之意也夫

按記內置田若干畝係李牧於乾隆二十七年
率紳士韋廷任周啟芳捐銀五百兩本擬置產
為善後計一時未得膏腴現將此項交首事生
息以充膏火

新建迎春亭記

李宏湑

春氣萌動萬物資始故正月之文春秋特書迎春之儀月令首重蓋於四德則為元於八節則為首春之所繫大矣象州迎春例詣南郊三清觀願觀久頽圮瓦礫填塞從事其間者或值風雨未免倉皇其奚以備觀瞻而肅將事於是鄉縉紳韋君等徘徊四矚謂宜建亭於其址余得有是哉所見之略同也因捐俸攸助之而亭乃成欽惟我

皇上至德如天湛恩廣被民物昌熾草木愛藹而督撫

象州志

卷之四

記序

四十三

大臣庶司百職以逮鄉之賢士大夫悉能仰體德意吹噓羣動光化之世黍生陰谷不特向陽花木容易為春已也亭既落成爰以迎春題其額庶與都人士永永萬年共樂太和無疆之休云爾

州舊志序

歲貢劉芳久

本州人

惟我郡侯祖夫子蒞任之三年政簡刑清利興弊絕案牘之餘稽心故府慨然州志久闕計欲纂輯成書付之剞劂以垂永久而江左于先生識高學博力任其事爰即通志中掇郡事更益以父老遺文大加筆削志遂告竣而命芳久以叅閣固陋如久即有井見管窺曷敢污及簡編貽譏後世哉雖然久聞之志以志事非一人一家之私事也必合通郡之山川風土統古今之人物詩文並載於編

象州志

卷之四

記序

四十四

始于一時公之萬世務期其可信而可傳也象以天南僻壤恒多裨官之載訛以傳訛非旦夕矣茲郡侯首事修明于先生虛衷下問考疑辨誤正在此時脫無所知而妄言非也有所知而諱言尤非也譬彼泰山之巔不擇土壤故得以成其高江河之水不擇細流故得以成其大一卷雖小一勺雖微久又曷敢匿乎竊惟象自開闢以來建置非一唐虞三代境屬荊州實要荒之地難與為稽及秦開置之後山則有聖塘天蓋水則有龍角仙池鍾

靈毓秀屈指曩時人物如謝呂諸君子諒皆班班
可考而舊志何以闕如君子所以慨然於宋祀之
無徵也欣逢

聖朝雅化作人諸賢牧後先遺愛踵以郡侯承流宣化
撫恤維殷因之山川日獻其靈風土日更其故人
物日呈其盛文章日發其奇所當賡揚贊頌以耀
美於千秋者寧非我象人之責歟久樂觀州志之
成聊贅數言於簡末若夫序非作手不足以信今
傳後則更有望於郡侯之抒其奧蘊與諸名宿之

象州志

卷之四

記序

四十五

能文者

象雲說

舉人 劉光烈 本州人

郡西渡江二里許有山焉峭然特立正對瑤光樓不象其形而象其名古傳每雨後日出山腹白雲輒復而成象經時不滅是說也予嘗疑之雲之變態無常白衣忽改而蒼狗安在是山之雲獨有於象也歲丙寅余讀書城之西南隅去樓不數武適仲夏八日日午初斜清風不作予避暑其上倏忽彤雲密布陽熇無光雲鼓為之施威天公於焉舒笑滂沱蔽野林木滋垂已而天開霽色波淨沙澄

象州志

卷之四

說序

四十六

四山之煙光蕩漾瀑布飛空予方憑欄騁月心曠神怡而山腰中祥光隱躍瑞靄畢呈紛紛縵縵秉扶日之姿蘊從龍之志其質白以潔其形高而龐不金羈不錦襜若舞若拜儼然長鼻柱蹄自南遞北度陌而上者十數隊隊各分列成形不相牽雜求之他山槩無有焉噫雲之奇亦至此矣吾聞之趙雲如牛楚雲如犬周雲如輪魏雲如鼠以至齊雲如絳衣秦雲如行人隨地賦形而名且以著矧茲擅山川淑氣而散紫垣之彩者其相去不萬萬

哉考柳州雨晴添跡志美於錦章而後解刮目者
惟桑悅一人其餘莫能知概謂瘴雨蠻煙之地必
無事大觀何此雲不幸不昭章於秦岱之巔見賞
於當代名公巨卿而麗質此邊陲也雖然是雲也
觸石而起滄鬱於巖谷之間掩映於林泉之外舒
卷白如不泥成迹正無藉刻舟以稱其輕重也郡
有山山有雲雲類象山因名象郡亦名象是有雲
而山重而郡亦重矣然寧僅重一郡守哉

蓮池說

舉人 周 楨 本州人

乙丑春家君子避喧斗室中時取愛蓮說讀之輒掩卷浩歎謂蓮誠可愛而今日之孫枝胡弗克承祖志也已而有叩門以請者問其人則秦其姓問其來意則曰予有一池在東北關距城里許縱橫百餘步中有一泉冬夏不涸願以贈吾子家君因往觀焉雖蕪穢不治而水色清淺可以澄志可以滌煩遂以五十金售之初鑿池自尹氏故號曰尹家塘後一變而歸閉氏再變而歸秦氏至所謂尹

象州志

卷之四 說序

四八

氏者徒存其名訪其子孫則歸烏有嗚呼滄海之感不在是與家君子欣於所獲蠲荒穢刺蒙翳佳卉瑞草與碧池相掩映倏忽改觀遂植白蓮於其內及夏荷蓋青青已五十餘本秋花不過數蓋猶未大觀歷歲三匝蓮始暢茂夏秋之交碧色接天香風撲岸亭亭靜植不蔓不支時家君攜小子楨顧而樂之不意往來之士漸相傳述而縉紳先生暨闔郡諸君子有逸興者皆翩然來遊共指而目之曰此蓮周氏所植也按周之為氏由道州遷南

海由南海遷象郡吾大祖濂溪先生宋室之名儒也夙以愛蓮著茲其子若孫植蓮數本以供玩好即謂克繩祖武乎然是池既由尹而屢售以歸於用則不得復為尹有矣當易之以周輒群呼為周氏蓮池噫周之名興尹之名不從此廢乎昔日之尹其不料為今日之周也必矣夫池之為池又寧有常主耶雖然予聞之勝地無常賢者主之竊意予大祖之主濂溪也迄今數百載而莫之能易則亦為其人耳今予家既以種蓮獲名蓮為周之蓮池為周之池則所以主此池者有不僅在此也故因而記之

象州志

詩鈔

詩紀山川谿谷草木蟲魚道風俗之盛衰驗政事
之得失故長于風風之為義巽而順其感人也微
矣象雖巖邑有江山之勝林壑之美遷客騷人撫
時感事往往詠歌以見志亦採風者所不廢也志
詩鈔

七言古詩

題象守坐嘯堂

宋孫覿

象州志

卷之四 詩鈔

五十

治國如烹鮮馭民如牧羊薰狐廬自焚投鼠器必
傷曹侯百世師獄市寄全齊天下本無事庸人勿
擾之危機蹈潛弩惡吏冠虓虎飛走豈不高搖足
墮網罟使君古太邱妙割無全牛班春千騎曉長
嘯萬壑秋棠陰日轉午風簷翠蛟舞問道舍蓋公
誦詩選何武涓水占熊羆萬里答羗夷試磨南山
石更草中興碑

別象州陳守容德

三年客殊方榮悴不堪說迢迢家萬里奄奄命一

髮使君古丈夫興衰在縲紲平生風馬牛舊職比
鷓鴣欣然一笑餐破此百憂結皇恩下天扉淚泣
孤臣血行厨洗玉盤載酒助歡悅庖珍間五鯖餅
字炊十製徒突今未黔班草尺一訣何須更秉燭
端是夢中別

國朝

遊文昌巖

劉光烈

春郊日融融春林花馥馥引我歷層霄於以得幽
谷駐屐白雲間迴視千壑複江流曲而長隱見帶

象州志

卷之四

詩鈔

五十一

山麓垂柳疊旌旗恠石蹲虎伏象鳥逞高飛和吟
托喬木洞口風徐來入門心肅穆不假修飾巧天
然成瑤屋虛敞覆重陰盤旋多蝙蝠蚨坐萬慮空
清冷沁心腹渺渺雲霧間仙踪時往復斑斕石上
紋縱橫列碁局秦漢既久忘罔省晨昏促彷彿聞
笙歌苔崖綉新綠冷溜滴寒漿妙孕瑩瑩玉琅玕
列玲瓏砧砑遶徑曲恍惚箴初抽更如角相觸萬
象皆標奇是處超塵俗混沌鑿何年創獲殊駭矚
漁父胡為乎桃源憶遺躅棄此朱明天遙望裏雙

足我願七日藏文成遂所欲

甘王廟碑歌

明 吳從拭

甘帥狗齋膽畧雄那堪南漢據潭中吳越見侵禦
敵鋒陰兵助捷奏奇功特除護國彰忠眷烈烈神
威千載現象郡士民爭走奠如響決疑禍福見佃
公性異好樂施慷慨遍周粵溜皆同叔誠明能預
知吉凶不待問龜著一日忽然聚閭里修身密秘
傳真指厭塵瞑目遊太始廟貌巍峩肅裡祀苾芬
俎豆列有牲於休哉百代贈封無有已

象州志

卷之四

詩鈔

五十一

五言律詩

海南送韋七使君赴象州

唐 陳 陶

一鶚韋公子新恩領郡符島夷通荔浦龍節過蒼
梧地里金城近天涯玉樹孤聖朝朱紱貴從此展

雄圖

九日次獻花鋪

李衛公貶海外道過象州蠻女獻花於此

宋 孫 覲

古路三叉口青裙兩髻了更無陶令菊空想衛公

花破屋堆黃葉清江縹白沙慙慙邀一醉蛋酒壓
梨楂

過象州

蔣山卿

秦皇開象郡茲事已千年臺古埋秋艸城荒起暮
烟江天雲漠漠石嶺月娟娟萬里慙漂泊因風懷
昔賢

國朝

象江亭

方克任馬平人

亭峙山城外高低見石泉龍沙浮岸荻菹嶺起晴

象州志

卷之四

詩鈔

五十三

烟門對青蘿樹窗開黃葉天此間堪放眼醉倚白
雲邊

熱水泉

幽壑流砰湃溶溶就淺深仙源炎火熾清液暖霞
侵淑氣生浮蒸薰風滿碧潯冷腸如可洗聊為滌
煩襟

瑤光樓晚眺

覃思堯本州人

薄暮登城上樓空望遠青沙頭排宿鷺波底浸疎
星岸柳悲秋瘦漁燈照水冥歸來誰是侶明月滿

牕櫺

象臺山納涼

蒸人惟酷暑時地約相同山氣侵衣潤霞光映面
紅沙明龍舌見雲靜象形空偶爾臨江望披襟納
晚風

七言律詩

到象州寓行衙太守陳德容携

宋孫覲

釘餽黃柑嘆手香堆盤丹荔照人光莫辭蛋酒一

象州志

卷之四

詩鈔

五十四

樽赤會壓瘴茅千里黃未省讒言遭薏苡直將空
腹傲檳榔酒醒夢覺知何處樹影參差月滿廊

南山寺二首

千丈雲根蔭此邦沉沉寒影卧秋江潭空映日蒼
虬動烟暖翔沙白鷺雙夢覺灘聲喧客枕吟餘竹
色滿僧牕詩成絕叫層樓上聽我洪鐘萬石撞
安心是樂本非禪遇勝欣隨意所便嚼蕊拈花身
老矣穿林渡水思茫然行逢酒伴搯觥去倦憇僧
窗借榻眠寄語後來問津者人中今是地行仙

寄謝象州守周源屯田

趙抃

念公別後固依然蜀距炎方里數千
劍棧過來纔一月詩筒傳得已
三篇胸藏忠誼堅於石口吐文章湧似泉
何日解符還闕去如今朝野不遺賢

象州道中二首

李綱

路入春山春日長穿林渡水意徜徉
溪環石筍橫舟小風落林花撲馬香山鳥
不知興廢恨嶺雲自覺去來忙
炎荒景物隨時好何必深悲瘴癘鄉
竹屋茆簷三四家土風漸覺異中華
碧榕枝弱還

象州志

卷之四

詩鈔

五十五

生柱紅荔春深已著花社燕不巢南
候別塞鴻無信北音賒海山此去猶
千里會見安期棗似瓜

記撞俗六首

明 桑悅

動講襄公九世讐通情洗面只償牛

以陪禮為洗面親鄰

相助歌迎鬼

冬月歌舞迎鬼賽神殺牛豕數十親鄰各携牲口來助

男女分

行戲打毬赴敵護頭裝鳳翅占疑
隨手擲雞頭幾回緝事軍先覺木
刻傳村有別謀

飲食行藏總異人衣襟刺繡作文身
鼠毛火淨連皮炙牛骨糟酣似酒醇
小語相侵隨致怨清歌互

答自成親謂唱歌為唱歡趨墟亦有能裝束數朵銀花綴

網巾

山深路遠不通鹽蕉葉燒灰把菜醃女髻風鬟純

黑縮男頭雨笠盡紅尖租田亦與人分椰民夷皆云分未

為分摘穉惟將手當鎌間有十冬驅賦後欲詢無

計召交譚土人名公年里長為十冬

村村竹木占山鄉屢殺人民似犬羊冬盡水乾兼

送哨春來箐密喜裝塘能通官語惟村老慣結同

年是熟商稱相交者為同年夫子居夷心一片清燈閒坐

象州志

卷之四 詩鈔

細思量

除夜雙盤貯鷓鴣清晨蟻集看何如除夜置油炙鷓鴣二盤於

地早看集黃蟻多則軍強黑蟻多則撞強斫牛伏地心先動欲行利刀斫牛

跳躍牽犬登山樂事多毒藥煎成封弩箭純網鍊

就作干戈殺人每講陪頭物有數從來實不孚講如

十牛凡羊豕俱當牛

姓同處處是華宗稱同姓者為華宗朝甫先加老喚公初名

老某長名甫某老名公某三界有靈馬助虐諸馮非祀肯相容

只將刳奪為生理亦以均分示至公誰把峯巒齊

一剷平疇萬里盡歸農

遊文昌巖

張 翀
馬平人

西風七月暑初收
浴罷溫泉更此遊
仙客何年生羽翼
虛崖白日自春秋
苔封古篆留丹洞
雲鎖山門遠碧流
勝地不禁清興發
孤峯一嘯起寒飈

金雞巖

呂景蒙

開闢初來有此巖
年年幽閉在山南
穴分內外三天列
巖有上下中二處
乳滿乾坤萬象涵
融出二仙當洞府
巖口有二石似人形
秘通一水作齋壇
巖下有一泉穿山而去
已於

象州志

卷之四

詩鈔

五十七

歸隱為休計且向東臺築呂庵

熱水泉

劉志英

烟暖霞蒸景未磨
仙源彷彿落銀河
井邊丹汞燒清液
琴裏薰風起綠波
飛瀑流雲輸靜穆
冷泉寒月少陽和
分明既濟滋離火
莫作尋常水石歌

國朝

遊六祖巖

劉光烈

山徑蕭條古洞開
白雲深鎖舊經臺
半爐烟冷埋青草
滿砌花飛點翠苔
秦鳳空傳人跨去
遼城幾

見鶴歸來振衣直上舒長嘯或恐天仙暫脫胎

象州八景總題

秦宏智馬平人

嵐晴天蓋錦光浮碧玉屏開翠欲流雲起春山呈
幻象潭臨秋月映金牛環峯濮水千層浪遠浦漁
歌一葉舟更愛聖塘仙境好遙連夕照過崗頭舊志
雲出春山觀馴象按馴字是平聲不作仄聲讀未免失括况象乃雲氣所結非真象也故易去三字

南樓晚眺

方克任

高樓兀峙俯溪山晚眺生情大野間烟結遙岑天
漠漠水流遠浦日潺潺斜陽野渡歸遊騎芳草孤

象州志

卷之四

詩鈔

五十八

村隔洞蠻最愛綠楊依古岸漁燈數點出前灣

天蓋晴嵐

江容淮

孤峯突兀峙南天嵐擁晴光氣萬千雲淨青霄涵
秀色水流碧澗度清漣石林葱鬱歡禽鳥丹竈氤
氳憶羽仙山景無端多變幻凌風凝眺意飄然

玉屏曉翠

一障蒼茫列遠空曉光浮動淡烟籠晴添黛色雲
初郁露浥春容日乍紅盈幘綠生巖磴外滿函青
湛有無中琉璃入座摩城北翠靄臨晨碧漢通

象嶺春雲

飄渺山頭煥爛生紛紛春霽滿江城橫空每切從
龍願度嶺誰教得象名濕潤東畝禾黍茂影連西
郭雨暘平油然添迹和風裏不羨崇朝觸石成

牛潭秋月

寒光一派夜遲遲水月逢秋景更宜輪滿綠波天
一色珠浮滄海浪初移分明玉兔涵清瀨彷彿菱
花照碧池意味尋來萬籟寂微風搖蕩桂林枝
濮水名泉

象州志

卷之四

詩鈔

五九

玉液涓涓景獨殊仙源支派出方壺龍麟映水連
松檜鷗鳥隨波隱菰蘆響帶潮聲鳴雜珮浪搖月
色散明珠水心淡蕩歸何處一勺飛泉想五湖

聖塘仙境

千嶂依稀姑射山雲烟深鎖許誰攀桃源有路知
何處瑤島無塵非等閒潑刺遊魚潛碧浪繽紛殘
蓋落銀灣仙蹤不使漁郎問鎮日微茫露鬢鬟

西浦漁歌

欸乃菰蒲不繫艫扣舷清調徹江沙過雲聲起爭

梅韻白雪聽殘隱荻花明月一竿天籟寂輕風半
艇水波斜等閒我欲携蓑笠好把新詞唱落霞
東崗夕照

紅霞一片影依微倒映層崗夕照輝羣岫空明穿
洞壑疎林光影碎珠璣村墟牧豎趨牛返遠樹鴉
離傍母飛日落暉藏風漸瀝寒烟遙起四山圍

象州志

雜錄

雜以言乎義之不一也諸志修分縷析各從其類不能以類附者則牽連書之別為一卷以殿志後用廣叅稽之助志雜錄

州南里許江之東岸名石龜坪有石內產石龜州人如相約往取日不獲一若不約往則獲而歸按石龜形同黃蜆即石燕也以醋摩其頂則旋轉盤匣中用米畜之數月後尚能遊走

象州志

卷之四

雜錄

六十一

五馬沿江走三星水面浮有人葬得著代代出公侯五馬山名三星州江上大浪黃昏牛角三洲其謠不知起於何時

惠濟侯王即甘將軍也祖塋在州城東鳳凰山墓前地方圍四尺許履之鏗然有聲

甘將軍陸有仙術率兵至塘頭村之南炊飲熟螺以食適敵至陸即置釜於地傾螺於田率兵往禦後他處所產螺俱有益惟此田中獨無置釜處渾然釜形印於石上至今猶存

西鄉里大殿村北二里為屯田墟當道有大石一方圍丈餘高可四尺上有注水池潤二尺深一尺終年不涸不溢趣墟人賴以濟渴好事者庠之竭頃刻復盈如故

田明琦山東人康熙年間任象州牧一日之柳郡舟次洪瀨灘有鳥飛鳴而過呼田知府三字儼如人語後越月果陞署柳州郡守遂立詞於洪瀨至今尚存

崇陽鄭璠自象江得恠石六其三聳而銳上又一

象州志

卷之四

雜錄

三

如世問道士存思圖畫人肺胃肝腎次第懸絡者又一空中而隱外若癢癢殃疝病不作物者又一色紺碧而理平漫彈之好聲璠為象江三年不病瘴平安寢食及還長安無家居婦兒寄止人舍下計輦六石道費俸六十萬璠嗜好有意極類前輩人

嶺表山川盤鬱氣聚不易疎洩故多嵐霧作瘴人感之多病腹脹成蠱俗傳百蟲為蠱以毒人蓋濕熱之地毒蠱生之非第嶺表之家性慘害也

飛蠱其來也有聲不見形如鳥獸啾啾唧唧然中人即為痢便血醫藥多不瘥旬日間必不救

蠱藥種類不一用法亦嚴或以土木易人五臟或置雞鴨食中入腹復生長翅足或攝入魂至家終夜力作力竭乃死或移他家貨物入已平樂梧州亦有之漢人有捕得造蠱者則羣執生瘞之或投烈火中

挑生者妖術也以魚月請人遂作食於中人食之則此物遂活於胸腹害人至死而後已也嘗見范

象州志

卷之四

雜錄

六十三

石湖桂海虞衡志載當時李壽翁為雷州推官得一方甚妙云食在胸膈則服升麻吐之在腹則服鬱金下之仕宦長病此故為揭之

蠱毒民間無有惟獐婦畜之人入獐村占其屋下無灰煤及婦人而色黃眼弦赤爛者即知為有蠱之家用銅筋遇食而敲其碗蠱即避之不能為害或用銅筋挿入飲食中而輒黑者弗食

凡中蠱者顏色返美於常妖姬望之而笑必須叩頭乞藥出一丸啖之立吐奇怪或人頭蛇身或人

足六翼如蚪斗子斬之不斷焚之不燃用白礬澆之立死否則對時復還其家余久客其中習知其方用三七末葶藶丸又用白礬及細茶分為末每服五錢泉水調下得吐則止按古方取白蘘荷服其汁併卧其根呼蠱者姓名則其功緩也
嶺表或見異物自空而下始如彈丸漸如車輪遂四散人中之即病謂之瘴母

嶺南不但烟霧蒸鬱亦多毒蛇猛獸故編類集及嶺外代答本草諸書備言蛇虺蜈蚣諸毒最當謹

象州志

卷之四

雜錄

六十四

者夜起不可倉卒亦不可無燈又不可不穿鞋襪嘗聞有人中夜下榻而蜈蚣偶棲草鞋上傷其足得香白芷並雄黃末服之藍澱汁傅之乃愈又一村婦倉卒吹火不知火筒中偶有蜈蚣驚竄入喉致下腹膈悲聲求救旁一人云以小猪斷喉取血又雞血尤妙令此婦頓喫須臾更灌生油一口遂惡心蜈蚣滾在血中吐下續飲雄黃水方漸安又有人被蝮蛇咬遍身腫裂口吐黃水良久悶絕有一道人以新汲水調香白芷末二錢灌之立甦再

服即愈道人云此合用麥門冬湯今倉卒以水代之亦效又有被蛇傷而垂困者一僧以五靈脂一兩雄黃半兩為末酒下一錢即愈又方如前治蜈蚣藥或得白礬火上炙洋滴在傷處亦可又虎傷亦以白礬末搽瘡封裹之蜈蚣傷又用雞冠血及雞屎塗亦可又方取大蜘蛛一枚縱其嚙所傷處令吮其毒候蜘蛛困悶自落却滴冷水數點以活之如覺未愈更取一枚嚙之便毒盡自愈治蛇入口并七孔中者割猪母尾瀝血口中并孔中即出

象州志

卷之四

雜錄

六十五

卒為蛇繞不解用熱湯淋之或以人尿治之蜘蛛飛絲入口用紫蘇葉嚼之即愈

南方天氣溫暑地氣鬱蒸陰多固閉陽多發滯草木水泉皆稟惡氣人生其間元氣不固感而為病是謂之瘴輕者寒熱往來正類疝瘕謂之冷瘴重者溫熱沉沉晝夜如卧炭火中謂之熱瘴甚者一病失音莫知其所以然謂之瘧瘴冷瘴不死熱瘴久而死瘧瘴無不死此方書之說也愚謂瘧瘴者非傷寒失音之症乎非中風不語之症乎治得其

道問亦可生安得謂之無不死即若熱症乃是盛夏初秋茅生夾道人行其間熱氣蒸鬱無林木以蔽日無水泉以解渴伏暑至重因而盛疾或飲食不節偶成此症熱晝夜不止遲治一二日則血凝竟不起矣南方謂之中箭又謂之中草子然挑草子法以針挑頭額及上下唇仍以楮葉擦舌皆令出血徐以藥解其內熱應手而愈安得謂之久而死耶至於冷瘴或寒多而熱少或寒少而熱多亦有疊日間日之異及其愈也瘡發於唇驗其症即

象州志

卷之四 雜錄

六十六

是瘡本非重病每因誤治而致禍亦不可以不死而忽之但診脈息極微見其元氣果虛與附子川烏等藥而愈或誤投以寒藥所謂承氣入胃陰盛乃亡若診其脈息洪盛審其症候實熱且服和解等藥而徐治之或誤投熱藥所謂桂枝下咽陽盛則斃但診脈而用藥萬不失一然觀其形氣之怯壯察其脈息之虛實忝以病之盛衰分其病之陰陽極工巧以審之其庶乎頃自入廣以來但用修養之法晨興浣漱後先服平胃散或投以不換金

正氣散洗面後啖少粥已時早食申時晚食夜則
服消食等服聚食宜節飲不宜大醉及頻數耳但
一日之間寒暖數變須脫著以時少食生冷則脾
胃自壯少食油膩則胸膈自快無大忿怒以傷天
和重節色慾以固真氣如此調攝決可以無恙也


象州志

卷之四

雜錄

六十七





北京圖書館藏
刻本民國二十五年六月奉
行